

T.M.S.

The modern Muslim

Lectures

by

Shaikh Abdullah

Al-Ghamdi

قوم جليلك

۱۵۹ کتاب المواعظ
مواعظ
۱

شیخ عیدالله افغانی



در سعادت

۱۳۳۱

فیثاتی ۳ غروش

قوم مرجان

کتاب المواعظ

شیخ عید الله افغانی



در سعادت

۱۳۳۱

هر مسلمان ايچون اوقونمسي الزم اثار :

- خلافت سياستی وتورکک سياستی : هابل آدام
- اناطولیده تورکيا يشايه جقمی ؟ : » »
- تورکيا ايچين نجات واعتلا يوللری : هاشم ناهید
- اوروپا سياستی وتورکک فلاکتی : راغب رفقی
- مغلوب ملت لر ناصل انتقام الیرلر : هابل ادم



مقدمه

عن اصل افغانستان اهالیسندن اولوب مملکتنده مقدمه
 علومى بالاكتساب هندستانك رامپو ولايتنده اكمال تحصيل علوم
 دينيه وفلسفيه ايله اورادن مصر ، حجاز ، ازبک واک صکره
 ادرنيه کلهړک نهايت لوله برغازک طاشلى قریه سنده اختیار
 اقامتله زراعت و تجارتله سلوک و حرب اخبرک ظهوريله شیخوخت
 سننه رغماً طویلادینی اوج یوز قدر دلاوران ايله جوار
 قریه لره تعرض ایدن بلغار قومیتله لرینک تشکیل و محاسنه
 شتاب ایدن و بو خصوصده بک چوق یارارلق کوسستن
 فضیلتسمات خواجه عیدالله ابن عبدالحمید افندی مهاجرین اسلامیه
 میانده استانبوله هجرت والتجایتمش ایدی. بو ذات ستوده
 صفاتک علم و عرفانندن استانبول خلقی مستفید ایتک اوزره
 بخاری شریفدن ایاصوفیه جامع شریفنده وعظ و نصیحت
 ایتمی ایچون واقع اولان رجا و التماسی بالقبول اوتوز کون
 هرایکندی نمازندن صوکره اجرا ایلدیکی وعظ و نصیحتک

علی وجه التلخیص طوتیلان نو طلرندن متشکل اشبو کتاب
« کتاب المواعظ » تسمیه ایدلدی پک چوق حقایق دینیه
وحکمییه بی جامع اولدیغندن هر مسلم ایچون رهبر فوز وفلاح
اولان بو اثر عالی هر ایکی کونلک وعظ بر درس اعتباریله
اون بش درسدن متشکل اوله رق طبع اولندی وبالله التوفیق



قوم جدید

کتاب المواعظ

درس - ۱

بسم الله الرحمن الرحيم

يا ايها الذين آمنوا من يرتد منكم عن دينه فسوف يأتي الله بقوم يحبهم ويحبونه اذلة على المؤمنين اعزة على الكافرين يجاهدون.. الى آخره

ای مؤمنان! اگر دین مبین اسلامک رکن اعظمی اولان مالاً بدنأ جهاد مفروضنده قصور وفتور ایدرده دینکزدن ارتداد ایلمسه کز جناب حق سزی بتون بتون ترك ایله یریکزه دیکر بر قوم جدید خلق بیوره جق در ایشه اوقوم هم حبیب الله وهم محبوب الله اولوب دین قرداشلری اوزرینه رفق ورقتله معامله وکفار خا کساره قارشوعنف وشدتله جهاد ایده جکدر. شو آیت جلیله نك مدلول منینی تأمل وملاحظه اولندینی تقدیرده شوصوک محاربه ده دوچار اولدیغمز انهزام واضمحلالک تلافیسی اسبابنه مسارعنده قصور ایده جک وآتیا اسباب جهادی

تهیه واحضار و ملتده غیرت دینیہ و محافظہ وطن عشقیہ شوق و هوس حرب و قتالی اعداد ایتیہ جک اولورسہق بردها تأمین حیات و بقا ایدہ مامک شرطیلہ محو و اندراسمز محقق و مبرہندر اندلس حکومت اسلامیہ سی کوزیمزک اوکنده بر مثالدر . بر زمانلر اسپانیاک جنوبینده شمشعہ اقبالی یوکسلن و آزمدت ظرفنده اورپانک مدنیت حاضرہ سنہ تمل طاشی اولان ترقیات و مدنیتی ایجاد ایلہ الآن آثار باقیہ سندن قالان سرایلر عالی بنالر وجودہ کتورن عادتاً غریبدن طلوع ایدہ رک نور معرفتیہ بر و قتلر شرقہ طوغری اوروپایی سراپا استیلا استدادینی کوسترن بر حکومت معظمہ نک بوکون اوانار جامہ و ریاستہ سندن بشتہ بر اثری شوجزہ میدر ؟

ایشته عثمانلی حکومت شوکت پناہی ده بر موجہ استیلا نشانک کیدہ رک بر سد حائلہ جاریمسیلہ قوہ سائقہ سی قیریلوب اقسام منکسرہ سندن کلدیکی جہتہ رجوع ایدن صولرکی بر زمانلر و یانہ سورلرینہ قدر صولتله اورادہ قیرلقدن صکرہ تکرار کچدیکی طاغلری وادیلری ترک ایلہ اوروپادہ صوک نقطہ استنادی اولان استانبول سورلرینہ کلدی طیاندى المزدہ قالان شو نقطہ بی ده غائب ایدہ جک اولورسہق دو کولہ جکمز یر چاہ عدمدر .

۱۳۳۰ سنه هجريه سنك ذى الحجه وذى القعدة قربان آيلرينه
صادف اولان محاربه مزده اورتودوقس واسلاوخرستيالنرينك
اعلان ايتدكلري صليب وهلال قتالنده خرستوس بنده لرينك
سيف ظلم وقهريله قتل وشهيد ايديان اسلامك آتيده كي مقدار
نخني هر وجدان صاحبي داغدار تلهف ايده جك مرتبه
شنيه بي آشمش كچمشدر .

ممنزملر	۱۹۸۱۱
معصومه لر	۵۵۳۹۷
لحوصه قادينلر	۱۳۴۹
مرضه لر	۸۶۸۲۸
باكه لر	۱۱۴۱۲
حامه لر	۹۶۶۴
كلينلر	۳۴۶۶
عجوزه واختيار قادينلر	۹۷۸۹۸
كنج جوچقلر	۹۹۹۹۹
اختيار اركلر	۸۹۹۳
آج وبيعلاج فوت اولانلر	۸۸۹۶۱
عسكردن شهيد اولانلر	۱۱۱۱۱
قار وصغوقدن هلاك اولانلر	۱۱۹۸۹
تنصر ايتديريلنلر	۹۹۹۹۶
	<hr/>
	۶۰۶,۸۷۴

شو مدهش یگونه مخدرات اسلامیه دن یالین آیاق باشی
 قباق او او طوپلانات و سورو سورو و ملمون خرسیان
 بچلرینک غایدا و دودوکلریله چارشو بازار شهر ایدلدکن
 صکره احتراصات حیوانیه لرینک تسکینی اوغورنده ناموس ،
 وعفتلری یایمال ایدیلن ۸۹۶۶۹۳ عددیجی ده ضم ایدرسهك امان
 یاربی نه عبرت انکیز بر هالله نمایان اولور !

ایشته بو کبی ظلم و جنایتلری ارتکاب ایدنلره قرآن مجیدده
 کافر و مشرک دینور . بونلره قارشو مالاً بدناً جهادی جناب
 واجب الوجود حضرتلری فرض عین بیورمشدر . اهل صلیب
 ارتکاب ایلدیکی سالف البیان فضایح و جنایات ایله اکتفا
 ایتیه رک اهل اسلامی بسبتون محو و استیصال ایتک غیرت ایلیرسانه سیله
 قتل و امحادن باقی قالانلری فکراً دینلرندن چویره رک ارتداده
 سوق ایتک املیله بر طاقم نشر یانده بولمشلردر .

ای مسلمانلر سزك دینکیز باطلدر . حق اولان خرستوس
 دیندر . ایشته بو کون خرستوس دیرلدی سمان ایندی .
 خرسیانلره نصرت ایدیور . اکر سزك دینکیز حق اولسه
 ایدی محمد سزه یاردم ایدردی . کلکیز خرسیان اولیکز یوقسه
 خرستوس افندینک امری اوزرینه ذکور وانات و کبار
 وصفاریکیزك کافه سنی قتل ایده جکیز دییورلر . واسفاکه خواجه

و شیخ‌ریزیدن بعضاری، بعض جاهل‌ری ایله آنله تابع اولان جاهل و غافل ناسدن برطاقی نه یابه لم جناب حق لوح محفوظده بویله یازمش قدریمزده بوده وارمش کبی واهی و شرعاً مذموم فکرلره ذاهب اولدقلری کبی قدر و قضایی اولکیلر کبی تلقی ایتمین بعض کنج فکرلیلرده طالع حرب علیهمزه دوندی مغلوب اولدق . دیورلر ایسه ده بونلرک کافه سنک ذهاب باطل وزعم فاسدلرخی آیات قرآنیه واحادیث نبویه واحکام توراتیه وفلاسفه ودلائل عقلیه وقطعیه ایله رد وجرح ایدرم .

حکم قرآن موجبنجه اسباب انهمزام ومغلوبیتیمزه شروعدن مقدم اعتقادات دینییه وسیاسیه می وترجه احوالی بسط وبیانه مبادرت ایدرم .

اسم عیدالله بن عبدالحمیددر . عالم بن عالم سنم یتمش اوچدر . مسقط رأسم افغانستأنك غزنین ولایتنده بادکول عربانده شهباز خان قریه سنده وردك طائفه سندن نوری قبیله سندنم . پیشاور ولایتنده شام ومصر ومکدأنك خندریس محله سنده مشهور اظهارالحق مؤلفی مولوی رحمة الله مدرسه سیله ازمیرده خاتونییه مدرسه سنده علوم عقلیه منطقیه وفلاسفه اسلامیه ایله اشتهار ایتدم . ادرنده اسکی جامع شریفده بخاری شریف محدثکی وادرنه مدافعی شکری پاشا خواجه سی دینمکه معروفم

اسکچده دخی محدث خواجه عنوانسه یاد اولنورم یکرمی
یدی سندن بری لوله برغوس داخلنده طاشلی قریه سنده متوطن
ومتأهل اولوب زراعت و تجارت ایله اشتغال ایتدم . و بوسایه ده
ذی مال و ذی عیال اولوب بری حج الا کبر اولق اوزره درت
دفعه ادای فریضه حج شریفه موفق اولدم ایسه ده صایمش
اولدیم بو اوصاف و مزایا بنجه لاشینی قییلنددر . هیچ بیایه
افتخار ایتیم . بو صفات زشرف ایله سسز رب العالمینه
حضور مات و دولته حاشا و کلا کندی می تقدیم ایده م .
بنجه حماقت و جنتندر . آنجق باعث فخر و مباها تم و بر عمل صالحم
وارسه اوده افغانستان ایله انکلز محاربه سنده انکلز لک کابله
اولان هجوملرنده انکلز قزاقان (کم ناری) بی ایکی طابور
عسکری ایله تحت القلعه نام محله محو و پریشان ایتهمز و محاربه
مشئومه حاضرده درجه شیخو ختمه رغماً لوله برغوس ده
باشمه جمع ایتدیکم اوچ یوز بهادر کوکلی ایله بلغار خرسیتانلره
خوف و دهشت صالهرق اون سکز بلغار و روم قومیه سنی
تارومار و اتلاف ایدیشمدر . الیوم قاسم پاشاده زمرة مهاجرین
میاننده یم حرب و لوازم حرب احضار و اعدادینه مدار اولق
اوزره مدافعه ملیه و تحویلات خزینه بیلتری آلق ایچون
خلقه تشویقات و ترغیبات دینه و عقیله ایله مشغولم زوجم
قومیه لک تعرضی قورقوسیه فوت و ثروت ساماتم تارمار

ویوک کریمه غیب اولدی. یانمده اوچدن اون اوچ یاشلرینه قدر اوچ اولادیم ایله زمره مهاجرین میاننده قناعت ووقار ایله امرار زمان ایدیورم خون کفار ایله آلوده اولان سیفم بوآنه قدر صوم وصلات و حج دن افضل وارحج اولدینی ایچون بالمال و بالنفس جهادم ایله حضور حقه و حضور امت اسلامه یوزی آق اوله رق چیقهرم. زیرا حضرت رسول مجتبا احد محاربه سنده (انا بنی لا کذب الی آخره) بیورمقه کافه قریش بیننده شجاعت و جسارتیله افتخار ایتیش و حضرت امام علی دخی خبیج بر زمان صوم و صلاة و حج کبی عبادات ایله افتخار ایتیبون آنجق جنک رسیلده زور شجاعتیله فخریه خوان اوله رق (انا الذی سمتی اخی سید الخ) بیور مشدر.

اعبادالمسیح یخاف محبی ونحن عید من خلقالمسیحاً

آن نه من باشم که روز جنک بینی پشت من
آن منم کاندرمیان خاک و خون بینی سری

تابعیتیمه کلنجه : نعم الحیث .. الخ وهم خیر الفوارس .. الخ
احادیث پیغمبریه ایله خلافتی ثابت اولان دولت اسلامیة عثمانیه به تابعم
و بوتبعیت ایله دنیا و مافیها فخر ایلرم حکومت اسلامیة به شرع شریفده
ظل الله دبنلدیکی ایچون هر مسلم عاقلک خلافت اسلامیة بی الله کی بیوک

یلمسی فرض در علیهنده حرکت ایدنلر عاصی و باغیدر کافر
و منافقدر جنازه نمازی قلنمسی غیر جائزدر .

یا ایها النبی جاهد الکفار و المنافقین موجبنجه قتل و افناسی
واجبدر حکومت اسلامیة علیهنده قیام ایدن ارنبودلر کبی حتی
ایچمزده ترکلردن خواجهلردن درویشلردن خارجهده کی دشمن
دینمک تسویلا نیله حرکت ایدنلر و حکومتی شورش و اختلاللر
ایله ضعف و وهنه کرفتار ایتمک ساعی اولانلر کافه شرعاً
و قانوناً قتل و اعدامی واجب کافر و منافقلردندر .

درس — ۲

بر جوق احادیث نبویه موجبنجه دارالخلافه اسلام
و مرکز حکومت اهل ایمان بالجمله اهل اسلام ایچون مطاع
و متبوع اولسی لازم کلدیکندن قسطنطنیه دینلن استانبوله
بو مرکز معظم دینه افغانستان مصر بخارا و سائره کبی
اوفق تفک حکومتلر مربوط اولمیدر (وان قشآن اقتلا ...
الح) آیت کریمه موجبنجه اسلامده ایکی خلیفه و ایکی حکومت
متباینه غیر جائزدر .

اگر مرکز خلافته جداً مربوطیت ابراز ایتمز لرسه قبل
شرعیده حکومت اسلامیة نظریله تلقی ایدلزلر .
اسلاملر دنیا یوزنده یکدیگرینه بعد و مسافه جهتیله نه قدر
اوزاق یرلرده بولنور لرسه بولسونلر آره لرنده رابطه واتحادی
هیچ بر زمان کوشتمک و یکدیگرلرینک حاللرندن بیکانه بولنق
کبی حاللره اسلامیت جواز ویره مز . حتی عین مملکتده مقیم
اسلاملرک محله محله بر برلرینه بعد و بیکانه قالمه لری جائز دکلدلر .
نه قدر مسلمان وارسه بر عائله افرادی کبی کافه سی یکدیگرینک
اک یقین اقرباسی کبی حاللرینه آشنا نصیر ورحیم اوله جقدر .

ملت اسلامده اتحادی محافظه مقصد علویسیله بنی ذیشان
افندیمز - استانبولده اکثر محللرده کورولدیکی وجهله - خطوه
بخطوه محله بمحله جامع بناسنه مساعده ویرمز لردی . و یکدیگرینه
یقین اولان بر قاج قریبه به بر جامع کفایت ایدر بیورر لردی .
حتی اصحابدن بری قیشین یاغمور وسیلدن وره کذارنده کی بر
دره اوستنده کوپری اولمامسندن محله لرنده بر جامع بناسنه
مساعده خصوصنده واقع اولان نیاز واسترحامنه قارشو
خانه کزده ادای صلااة ایده بیلورسکز . جامع نه قدر اوزاق
اولورسه واروب جماعت کثیره ایله نماز قیلمق دهافضلدر .
مع مافیہ بیوک برسیاسته مبنی اولان جمعه وایرام نمازلری ایچون
ایکی ساعتک بعد مسافه سی اولان محللره شد رحل ایتمک

فضیلتجه ده‌ا بیوکدر بیورمش ویکدیگرینه یقین اولان ایکی
جامعدن برینک هدمنی اراده ایتشد .
استانبولده وولایاتده اکثریا مشاهده و تصادف اولندی
کبی هرايله واحق خصوصاً سیاستدن بی خبر ذلیل و سفیل
واساس دیندن واحکم قرآنیه دن غافل ومسلك پیغمبریدن
جاهل کسه لری یالکز بر کسوه علمیه ايله خطابت وعظ ونصیحت
مقاملرینه چیقارمق قدر شایان تأسف وغریب بر حال تصور
اولنه من . آیات کریمه واعمال سنیه نبویه موجبنجه مرکز
خلافتده سلاطین جامعلردن ماعداسنی وتکیه لری بر طرف
ایده رک مصارف واقعه لرینی لوازم حربیه وعسکریه به تخصیص
ایتمک اولادر . موجود جوامعده دخی مرکزده خلیفه ویا
وکیل ایده جکی الکبیوک سیاسی مأمورلر ولایتلرده سنجاقلرده
والی ومنصرفلر قضالرده قائم مقاملر منبره چیقهرق سیاست
مملکت اقتضاسنجه خطبه لر او قوملیدر . بو مأمورین سیاسیه ده
مطلوب اولان اقتدار ولیاقت سیاسیه یوق ویا اسباب سائرده دن
ناشی خطابه قدرتی مفقودایسه لرلرینه اردو مشیرلری عسکری
قوماندانلری چیقهرق حوادث وشئون اسبوعیه وترقیات ملیه
واحتیاجات اسلامیه نقطه نظرندن خطبه لر ترتیه آنلره متعلق
آیات واحادیث ايله توشیح ایده رک جماعتک لسان مادر زادیه
ایراد ایتمک لازمدر وشرعیسی بودر . یوقسه جاهل آرنالوودک

یازمچیدن حاضر مکتوب طلب ایتمی کبی هیچ کسه نك
 ا کلامیه جنی برلسانده کیم بیلور هانکی بر مطبعه ده طبع ایدلش هیچ
 بر مناسبتی اولیان موضوعه مقام مخصوصیله خطبه او قومق
 نه دیمزه نه ده منطق و حقیقه موافق دکدر . مع التأسف جریان
 حال ایسه بوندن بشقه بر شی دکدر . زهی سیاست ! زهی
 دیانت ! زهی ملت !

چکنلرده سیاسی غزته لردن برنده عموم ترکیاده لسان
 عربك تعلم و تعمنه اهمیت ویرملی ایش که ملت هیچ اولمزه
 جمعه کونلری قرائت ایدیلن خطبه لری آکلا به بیلسون
 دینیلوردی . بو سسوزده بلاهت اثریدر . خطبه یی آکلا تمق
 ایچون بتون ترکله عربجه یی او کر نمکدن ایسه خطبه یی ترکجه
 ایراد ایتک قدر قولای برشی تصور ایدیلور می . ذاتاً امام
 اعظم مذهبجه قرآن و حدیث و خطبه یی ترجمه جائزدر .

پیغمبر افندیز یالکز قوم عربیه بعث بیورلمدی قرآن
 عظیم الشانک عموم السنه یه ترجمه سی فرضدر « وما ارسلناک الا
 رحمةً للعالمین » بیورلدی عالمک دین مین اسلامه دعوتنه مأمور
 اولان نبی ذیشان افندیزه نازل اولان کتاب واقعا عربجه
 ایسه ده هر دعوت ایدیلن قومک عربجه او کر نمی لازم کلز
 او کتابک احکام و معانی جلیله سنک السنه اقوامه صورت
 صحیحه و سالمه ده بالترجمه اوصورتله تلقینانده بولنق اقتضا ایدر

کتابمژك اصل قدسیتی معانی جلیله وجهیه سنده در قدسیت
لفظیه ایکنجی درجه ده قالور . هر فرد احکام و اوامر دینه سنی
کتابندن او قورسه ایمانی یوکسه لور شروفساد آزالور دینسزك
رواجی زائل اولور .

مملکت مزده ارباب شرو شور و اهل فساد هیچ بر زمان
اکسک اولیوب ملتک ترقیات و تجلیاتنه هر دائم مانع لرتشکیل
ایدن انواع قیاملر اختلاللر چیقارمقده و حکومت هر بار
بوکی احوال مؤسفه قارشو سنده بولنه رق ایجابنه کوره اسباب مانعه
ودافعه یه تشبث ایتمکده ایسه ده فرقه جلیق یوزندن صوکه
ارناوودلق اختلالیه مخالفه طرفدارانک منافع عامه دن
زیاده منافع شخصییه مجلوییت بلیه سیله اردویی افساد
و شیرازه انتظامی اخلاص نتیجه سیله آلتی یوز سنه ک عثمانی
دولت معظمه سنی اوج یوز الی ملیون اهل اسلامک
قبه کاهی اولان مقام خلافتی اویله بر درکه سفیله یه اسقاط
ایتدیلرکه بوکون جهان اسلامیتک کوز یاشلری بو حال فجاعته
سبب اولانلری بو غه حق درجه ده غلیانده در . بونلرک اسباب
اصلیه و حقیقیه سی ارا نلیوب پک سطحی نظریه لر ایله وقت
کچشدیریلور . حالبوکه بو احوال مؤسفه و الیمه نک باشلیجه
سیبلری موضوعات دینه مزدن برچوقلرنده جاری اولان
والان هیچ برینی دکشدیرمک فکری بیله تبادر ایتمین

۱. بول وعادات قدیمه من و بعضی مصنفات و تدریسات من و سیاست
حاضره بی سیاست قرآنیه ایله مزج ایتمکده کی قصور لریمز
تکاسل لریمزدر .

بآدمی نتوان گفت ماند این حیوان
بجز دراعه و دستار نقش بیر و نش

بکرد در هم اسباب و ملک و هستی او
که هیچ چیز نیابی حلال جز خونس

بر طاقم خواجه و شیخ و بونلره تابع و خادم ارباب جهل
قبا صوفیلر جهان اسلامیتک همان هر طرفنده کندیلرینی برر
رهبر نجات و فلاح اولق اوزره طانتدیره رق پیغمبر ذیشانمزلک
قول حکیمانه سنجه اعداملرینه جواز ویرملک لازم کلور کن
طوندقلری مسلک ناهموارده کندیلرینه عادتاً مسامحه و مساعدده
ایدندکجه و کندیلرینه دستور حرکات اتحاد ایلدکلری مصنفات
مصنوعه ملتک دست توقیرندن قالدیرلمدکجه ملت اسلامک شرعاً
مذموم و منفور اولان حال مسکنتدن مرغوب و مقبول اولان
دائرة فعالیتیه کچمیه جکئی دلائل عقلیه و نقلیه ایله اثبات
ایده جکم .

درس — ۳

بنی دیشانمز یالکز جمعه کونلری منبرده خطبه و وعظه
مساعده ایدر لر، بواصر مهمی اویله هر کسه لایق کورمز لردی .
یالکز عبدالله ابن مسعود بر پنجشنبه دن پنجشنبه یه قدر آبر وجه
وعظ ونصیحت ایدر ایدی . چونکه جامعده ایدیلن وعظ
ونصیحتی خلق بر امر قاطع تاقی ایدر . تأثیری پک بیو کدر .

فساد العالم فساد العالم وصلاح العالم صلاح العالم

بیوره رق علما صنفنده بولنانلرک درجه اهمیتلرینی کرک
فسادده و کرک صلاحده ایضاح بیورمشلردر .

حکومتتمز شمدی به قدر بر چوق یرلردن اصلاحاته بدأ
ومباشرت ایتیش ایسه ده اصل قاوورابه جق نقطه بی بوله مدینی
ایچون واقع اولان تشبثات هب نمره سز وعقیم قالمشدر . اوروپا
عقلاسنک کندیلرنجه بیله ظاهر اولان باطل دینلرینی هر درلو
اصلاحاته مقدمه طوتمسندن اولسون عبرت آلیورمی یز . پاپاس
میسینوز تشکیلاتنک اوروپاده واوروپا خارچنده نه بیوک تأثیرلر

اجرا ابتدایکی کور میوری یز . انکلهزده ترقیات می اولدر
پروتستانلقمی ؟ شبه ایدلز که پروتستانلق ظهور ایتیوبده
اسکی خرسیانیت باقی قالسه ایدی مدنیت حاضرمدن نام ونشان
اولمزدی .

پروتستانلق خرسیانلقلک اصلاح اولمش بر صورتیدر .
قاتولیک واورتودوقس اولان اسپانیولر روسلر ایله پروتستان
اولان آلمانلر وانکلزلی مقایسه ایدرسه ک دینک اقوام اوزرنده کی
تأثیرینی پک عیان و آسان کورورز . فرانسلزده رسماً قاتولیکدر
فقط فرانسلز دینده مبالا تملزلق ایله عقیده خرسیانییه پی
ییرنه رق میدان ترقییه آتلاشلرسده دیفسزلکله اولان ترقیانه
اساس قویم اوله میه جنی او مملکتده وقت وقت ظاهر اولان
بر چوق مثاللره تعین ایتکده در .

ایشته بو که مناظر غیرتخما کوزیمز اوکنده جاری ایکن
بزم الآن ترقیات واصلاحات چاره لرینی آرامقده اصابت فکر
کوسترمیشمزه حیرت ایتماک قابلیدر . خرسیانلردن بر چوغنی
اسلامیت مانع ترقیدر سوزینی قولاقلمزه هر کون صوقارکن
بزم حالا عطالت ومسکنت ایچنده پویان اوله مزه نه دیه لم .
اسلامیت حاشا مانع ترقی دکل باعث فوز وناظم ترقی وتمدنر .
فقط بز اسلامیتک او حقیقی اصول وقواعدینی تعقیب ایتدک

وايتيورز . بر طاقم ظواهر برستك ايله اضاعه وقت وحيات ايديورز . احكام دينيه مزده كي حكمتلري حقيقتلري آرايه لم . زمان وحاله غير موافق اولان بر طاقم مؤلفات ومصنفاتي بر طرف ايدهر ك عمده دين وعقائد يمز وبرات نجات وسلامتمز اولان آيات قرآنيه واحاديث نبويه احكام منيفنجه حركت ايدهم . ايشته اوزمان اصلاحاته دينزدن عالما مزدن باشلامش اولورز كه آندن صكره كي اصلاحات آرتق كنديلكندن طوغار . كنديلكندن تظاهر وترقي ايدر . يوقسه عالما مزدن شيوخلر مزدن باشلاميه جق اولان اصلاحات نه مرتبه جدى اولورسه اولسون ملت ايچنده بر زمين حيات بولوب بيومن شمدى يه قدر واقع اولان متعدد تشبثات كبي خارجى داخلى بر چوق مواقع قارشوسنده سوزر كيدر .

عقلا مزدن هر هانكي برينه صورولسه مبدأ ترقينك مکتبلر مدرسه لر اولديغنى اعترافده متحد كورورز . فقط مکتبلرده مدرسه لرده الك اول هانكي شينى اوكرنك لازم اولديغنى سؤال ايدر سهك الاجمزم جوابلرك هيچ برى بر برينه توافق ايتمز . بر سورو متناقص مطالعاتدن عبارت اولديغى آكلاشيلور . حالبوكه نوسال معرفتده خطوه انداز اولان اولاد وطنك اول باول عقیده دينه لر ينى تقويه ايتك آنلرك روحنه مليت ووطن پرورلكده مبارزه حياتده الك بيوك قوتى نفخ ايتك ايدى وزوال

ناپذیر بر رابطه متینه ایله تقویه ایتک آنجق دینی روحانی بر سائق ایله اولمیدر .

لکن مکتبلرده تدریس ابدیلن علوم وعقائد دینه شمیدی
حالده بولازمه حیاتی تأمین ایدم چک شکله دکدر . صوم
وصلات ، حج و ذکات کله شهادتدن عبارت بش ارکانی اوده
علم حال کتابلرندن ازبر اوقوتمقله برطلبه نه مسلمانلی اکلار
ونده کسمه ا کلاته بیلور . ایشه بوسبیدن درکه ترکلر بیننده
کوندن کونه فرانسزلی تقلیداً دینده مبالاتسزلق آرتیور .
آرتدجه غیرت ملیه ودینه زوال بولیور هه کبار صنفی
چو جقلرینک ملیت ودیانتی اوکرمزدن اول فرنکلردن
یانلرینه آلدقلری ارکک ویا قادین تربیه جیلرایله بیچاره یاورولرک
بستون علاقه ملیه ودینه لرینی وهن وضعفه اوغرا نه رقی اسلامق
وترکک ایله عرقاً اولان علاقه لرینی بیله کسه رک ظاهر آ کندیلرینک
اولادلرینی تربیه ایدمیه چک قدر تربیه سز معناده دین وملیتده
نه مرتبه مبالاتسز جاهل کسه لر اولدقلرینی اثبات ایدیورلر
بوکندی شخصی خطا لردر . فقط برده جمعیت اسلامیه قارشو
شو حرکتلریله ایشلدکاری جنایتی نظر امعانه آورسوق معاذالله
تعالی دیمکدن بشقه برده جکمز قالمز . ایشه اوقیل بالارک اولادی
یوقاروده تعریف ایتدی کمز اونوع تربیه نک تلیدانی که بتون عالم
اسلامه قارشو آچیلان شو اهل صلیب محاربه سنده نه بدناً

ونه ده مالاَ اشتراك ايتمه رك بر آمر يقالى قدر صغوق قانله سيرجى
قالديلر . حكومتلر رسماً بر دینه سالكدرك حكومت عثمانيه نك
دينى دين اسلامدر ارباب حكومتتمز مربوطيت دينه لرینی بك
صبقى طومش اولسلر شبه يوق كه خلق ده حكومتك سياسته
تابع اولق طبيعته روابط دينه لری آرناز چونكه الناس على
دين ملوكهم بيورلشدر . بوراده ملوكدن مقصد حكمدار
وحكومت ديمكدر .

جاهل بلغار ملتى مقتدر و صورتا ديندار حكومت منتظمه
سايه سنده احراز شان و غلبه ايتديمی ؟ آنلر باطل دينى بوقدر
سورلسه بز دين مينمزه نه دن جان وكوكلدن صارلمه لم
اسلاميت بر نور هدا و حقيقتدر كه سالكلرينى هر زمان عزيز
قىلار .

انباء ذیشان حضراتى بر طرفدن وعظ و نصيحت ايدرلر
قول و نصيحتله قبول حق ايتملره قارشو تحشيد قوتله سل
سيف جلادت بيوررلردى . متعصين جهلاى دين افعال انبياي
ترك ايدرك دعايله استمداد و فعلياتى اهل ايدره رك اوهام و خيالات
آرقه سنده قوشوب دعالر و نياز لرله نصرت الهيه طلبنه سالك
اولدجه هيچ بر موفقيت تأمين ايدهميه جكلرى شرعاً و ديناً
نابتدر . شرح مواقب ده شرح و بيان اولنان شوآيت جليله او
كبى جهلانك افعال مردوده سنه بك صريح و قاطع بر جوابدر .

ولولا دفع الله الناس بعضهم ببعض لفسدت الارض
 بالاده کي تمهيدادن اكلاشلديني
 وجهله دين ومليتده کي مبالا تملزلنگ اسبابني تحري ايدہ جک
 اولور سه قاک بيوک مسئوليت او امرالهيہ و دينيه بي تبليغه مأمور
 و احکام منيفه شريعتي اھمال و تسبب و اسباب عديده دن ناشي
 پک روحسز معناسز بر شکلده حصر و ادامہ يہ ساعی اولان
 خواجہ لرہ شيخلرہ و بونلرہ تابع اولانلرہ توجه ايدر. حکومت
 عثمانيه بي مالا بدناً معينسز بر اقدرمغه يونان بلغار پاپاسلری
 نہ قدر صرف اقدام ايتديلر سه بعض خواجہ و شيخلر کده خلاف
 قران و حديث اولان پروغرام و مصنفاتی اوراق مضرہ کي
 دولت اسلاميه نك شرف دنويہ و اخرويه سنہ او قدر مانع لر
 احداث ايتمش و ايدہ کلشدر. حرب حاضرده مالا و بدناً حربہ
 اشتراکده قصور و فتور ايدوبده قرآن مجيده موجود متعدد
 آيات کریمہ موجبنجہ ارتداد لرندن شہہ ايديلن خواجہ و شيخلرہ
 ارتدادده آنلرہ اشتراک ايدنلرک شمدی يہ قدر تعقيب ايتدکلری
 پروغرامی ترک ايلہ قران و احاديث نبويه احکام منيفتجہ بر
 پروغرام تشکيل ايدہ رک دينی ، دنوي ، فکری ، سياسی
 بالجلہ امور و معاملاتمزدہ او پروغرامک دستور العمل
 اتخاذ اولنسی و بوسيله ايلہ برنجی درسک باشنده تلاوت اولنان
 آيت جليلہ يہ موافق بر قوم جديد ظھوری لازمدر . بونلر

مجدد دین محب الله و محبوب الله دشمنه قارشو شدید، دین قرداشلی آرهنده حلیم و رحیم اولق اوزره توصیف بیورلمشدر. ملتک بو اوصافی حائز بر قوم جدید حالته چویرلمسی کافه اهل اسلام و ایمان اوزرینه فرض عیندر اسکی پروغرام اربابی اولان صارقلیلر و شیخلر حرب حاضرده قصور و فتورله دین اسلامدن ارتداد ایتدکیرینه شوآیت جلیله ائباندیر . و یستبدل قوماً ... الخ فسوف یأتی الله بقوم ... الخ

اوکیلر زمره منافقین و کافریندن معدوددر آنلره سلام ویرلمز جنازه نمازی قلناز اهل اسلام آنلردن قطع علاقه ایتلمیدر ذات عسره محاربه سندن اهم اولان محاربه حاضره مزده علما کسوه سنده اولانلردن طوت طابور اماملرینه وارینجیه قدر صنوف عدیده اربابی حاشا وکلا کندیلرینی ورثه انیا عدایدن خواجه و شیخلردن هیچ بری میدان جهاده شتاب ایتدکلیری تواتر درجه سنده ایشیدلدی و برجوق شیخلر خواجهلر ذیمال اولدقلری حالد حرب اوغورنده بذل مالدن ابا واجتتاب ایتدکلیری ده حدتواتره وارمشدر بونلردن صرف نظر جوامع و مساجدده معاشر سائر اسلامده خلق اعانه تشویق خصوصنده ذره جهامک صرف ایتمامشلرحتی معاونتدن بیله منعه چالشمشلردر بو کیلر منافقین زمره سندن اولوب جزالرینک اسفل سافلین اولدیغنی شو آیت کریمه خبر وبریور .

هم الذين يقولون لا تنفقوا . . . الخ المنافقون والمنافقات
بعضهم من بعض تأمرون بالانكروينهن عن المعروف يقبضون ايديهم.

محاربه ده قصور وفتور ايدن كافه اهل اسلام قريبه ده اولسون
هند ، سند ، بخارا ، افغانستان حجاز سودان قريم قازان وساثره
كبي بلاد بعیده ده بولنسون بدناً حربه اشتراكدن عاجز وبو
خصوصه معذور ايسه لربانقلر پوسته لر واسطه سيله پاره ارسالنه
امكان وار اولديغندن مطلق بمطلق مالا اشتراكلى فرض
عين ايدى هله بر طاقلىرى بلاد بعیده دن براى حج بر جوق
پاره صرف ايدوب كليورلرده اوباره لرى حرب اعانه سنه صرف
ايتمكدن چكينيورلر عجا او حاجيلر روز جزاده بو عمل لرندن
ناشى معذور طوتيلورلرمي ؟ لا والله .

اجعلتم سقايت الحاج الخ . . . ايشته ديديكم كبي بلاد قريبه ده
اولسون بعیده ده بولنسون كورطوپال فقير مستثنا ديكر كي مسه لردن
ورثه انيالق ادعا سنده بولنان خواجه لردن طوت مدرسلر مفتيلر
قاضي لر شيخلر درويشلر تاجرلر صنعتكارلر والحاصل كافه خلق
بيكدرجه آيات بينات ايله ثابت اولان جهاد بالمال والنفس دن
عمداً اجتناب ايتدكلرندن ناشى قرآن مجيد حكمنجه مرتد
ومنافق زمهره سنه داخل وواجب القتل . اولمشلردر . يا ايها النبي
جاهد الكفار والمنافقين . الخ . . . وفرح المخلفون . . . الخ

بوکیلرک تجدید ایمانی ذیمال اولانلر نقود موجوده لربنک
 نصفی دارالخلافت اسلامییه ویت المال مسلمینه ارسال ایتدکجه
 میسر اولسه کرک تا که اوپاره ایله کفار فجاردن انتقام آلسون
 وضبط اولتان ممالک نزع ایدیلهرک جوامع و مساجدیمزده
 تکرار کلمه الله ذکر اولنسون یوقسه کونده یوز بیک امت بالله
 اوقوسه لر کیجه کوندوز نماز قیلسه لر زمان سعادتده
 اصحاب کرامدن ایکن حربده قصور وقتورلرندن ناشی
 حضور نبویدن مطرود اولان مراره کعب هلال کبی
 رسول الله افندیزک آرقه سنده نماز قیلانلردن دخی اولسه لر
 ویوز بیک دفعه حج ایتسه لر امام اعظم قدر عالم و شیخ عبد
 القادر کیلانی قدر غوث و قطب اولسه لر دارالخلافت اسلامییه
 کفار خاکسار طرفندن ایدیلن تعرضی و هجومده مالاً و بدنأ
 حربه اشتراک ایتدکجه تجدید ایمان ایده میه جکالر و شوآیت کریمه
 موجبنجه مرند و کافر اوله رق حشر اولته جقلمر و الحاصل اهل
 کفر و جهنم زمره سنه التحاق ایلیه جکلردر .

و لیلعلم الله من بنصره و رسوله ... الخ

جناب حق جهادی فرض ابتدی تا که رسول اکرم
 و خلیفه اسلامه مالاً و بدنأ نصرت ایدن و ایتمین دینده صادق
 و منافق اولان بللی اولسون

یا ایها النبی جاهد الکفار والمنافقین واغلظ علیهم وماؤیهم جهنم
ای بنم نپیم ظاهر او باطناً کافر و باطناً کافر لره
شدتله جهاد ابله آنلرک مکانی جهنمدر .

ظاهر آ اسلام و باطناً کافر اولانلرک بیلنمسی کوج اولدینی
ایچون جناب واجب الوجود حضرتلری پیغمبر ذیشاننه علامت
نفاقی بروجہ آتی بیان بیور مشدر .

قالوا نشهد انک لرسول الله ... ان المنافقین هم الکاذبون
اسلام قیافتندہ کی منافقلرک کلمہ شہادتہ کوونہ آنلر دینده
کاذبدرلر آنلرک فرقی مالاً و بدنأ جهادده بللی اولور .

درس — ۴

استانبولک بعض خواجه لری و شیخ لری حافظ لری و حاجیلری
و آنلره تابع اولانلر بیک درلوار تکابله جرأت ایدنلر صرئندہ
تورات طاشیان حمارلر کبی کتابلرله اوغراشه رق جهادی ترک
ایتدیلر برطاقلری ده غرض دنیوی اوغورنده آیات واحادیثی
کندی منفعتلری اقتضاسنه کوره تفسیر ایدرلر قرآنی پاره

ایله او قویان حافظلره فرقه جیلوق دعواسیله اتحاد اسلام وتشیید
قوای امت قصدیله چالیشان وفرقه محاربه اولان اتحاد وترقی
فرقه سنه دین دشمنلریله مشترکاً مسلط اولان منافقلره وبالنتیجه
ملیونلرله اهل اسلامك دشمن ایاغی آلتنده پامال اولسنه عرض
و ناموسلرینك بر بادینه سبب اولانلره فی سبیل الله جهاد ایچون
مالاً وبدناً قوشه جق اولانلری بیک تزویرایله بواصر عظیمدن
منعه و بیک درلو اغفالکارانه دسائسه سالک اولانلره لغت .

لغت الله علیهم وعلى الهم واقوالهم وعلى تألیفاتهم ومصنفاتهم
واعتقاداتهم اجمعین

ایها المنافقین شوآیت کریمه نك حکمی سزوده شاملدر

قاتل کم الله هم الذین یقولون لاتنفقوا من عند رسول الله
حتى ینفضوا

محاربه زماننده کنیدیلى حربہ کیتمدکلری کبی کیده جک
اولانلری ده مالاً وبدناً جهاددن اغفال ضمیمنده خفیاً سز
رسول الهه ویا خلیفه رسول الله اولان پادشاه اسلامه اعانه
ویرمیکز تا که دشمنه قارشو عاجز وضعیف دوشه رک حربدن
قاجسونلر .

واذا رثيتم تعجبك اجسامهم وان يقول تسمع لقولهم كأنهم
خشب مسندة قاتلهم الله

مذکور منافق لک جبه صاریق طلیسان و سائر البسه ایله
مزین و منقش هیکل و اجسام کبی هیئت لرینی باقهرق تعجب ایله
خوشنه کلیر سده سوز لرینی ایشیدنجه منافق لقلرندن ناشی آنلرک
اغا جدن مصنوع برر هیکل اولدیغنه حکم ایدرسک قاتلهم الله

تا مرد سخن نکفته باشد عیب و هنرش نهفته باشد
لا تنفروا فی الحر قل نار جهنم اشد حرا

منافق ل بر برینه حرارت زماننده محاربه اولور می دیر لر .
ای رسول او منافق لره سوبله جهنم آتشی دها صییجا قدر .
محاربه یه کیتیمانلر جهنم آتشی دوشونسون . المنافقون و المنافقات
بعضهم من بعض یأمرون بالمنکر و ینهون عن المعروف یقبضون
ایدیهم نسوا لله .. الخ . یا ایها النبی جاهد الکفار و المنافقین الخ ..
ظاهری اسلام اولان منافق لردی مال اولقله برابرلوازم حربیه یه
مالاً اعانه ده بولنیوب اللرینی صیقی طوتار لر . جیش الله اولان
جنود اسلامی یی ترک ایتدکری کبی سائر لرینی مالاً بدنأ جهاد
مفروضدن اغفال ایدر لر . ای نبی ذیشانم کفار و منافق لره جهاده
سن مأمور سن اعانه حربیه ده استمهال بیله جائز دکلدر . نره ده

قالدی که عدم اجابت ذیمال اولانلردن اعانه طلب ایدلدیکی زمان او کیمسه مهلت طلب ایدرسه مجرد تعلل واستمهال ایله منافق عاصی و کافر در آنلر حقنده شو ایت نازل اولمشدر .

لا یستأذک الذین یؤمنون بالله انما یستأذک الذین لا یؤمنون بالله .

ای حبییم جهاد بالمال والنفس خصوصنده تعلل واستیدان ایدن مؤمن دکلدر . اصل اهل ایمان مالاً بدنأ جهاد مفروضدن کندیلرینک معاف اولسی خصوصنده استیدان قبول ایتمزلر .

محاربة حاضره من ذات عسره اولان ایام زمهریریه تصادف ابتدیکنندن اولکی ذات عسره محاربة سنه مشابهدر . ذات عسره شدت حرارته تصادف ایتمش ایدی . صغوق بهانه سیله حربدن اجتناب ایله بیان عذر ایدنلرکده منافق و اهل جهنم اولدقلری بنه لانتفرو فی الحر . آیت جلیله سیله ثابتدر . زیرا برودت ایله حرارت شدائد طبیعیه دن برشیدر .

ای احکام قرانیه دن غافل واسلاملق دیندارلق ادعا سنده بولنان جاهل کیمسه لر شورایه پک زیاده دقت ایدیکز که صوم و صلات و ذکر و حججه دوام و ثبات ایله مالاً بدنأ جهادده قصور ایدنلرک دخی کافر و منافق اولدقلری شو آیت جلیله ایله ثابتدر .

واذا انزلت سورة ان امنوا بالله وجاهدوا مع رسوله
استأذنك اولو الطول منهم وقالو ذرنا نكُنْ مع القاعدین الخ ..
صوم وصالته دوام ایدن منافقلا مالاً بدنأ جهاد امری
كلنجه بزم راحتمزى بوزميك بزى متقاعدین ايله یغنى علیل
و کورتورم اختیارلر ايله براقیکنز دیهرک سزدن مساعده ایسترلر .

کهنه پروغرام فاسددر . مذکور پروغرام اربابنک دیدیکی
کبی مؤمن و کافر بیننده کی فرق سوم صلات حج دکلددر .
بلکه مالاً بدنأ حرب و جهاددر . بوقوله شو نص قاطع نازل
اولمشدر .

الذین آمنوا یقاتلون فی سبیل الله والذین کفروا یقاتلون الخ
اهل ایمان فی سبیل الله مالاً بدنأ جهاد ایدر کافرلر کندی بتلری
ایچون حرب ایدر . دیگر برآیت دهده

فرح المخلفون بمقعدهم خلاف رسول الله

یعنی صوم و صلات حج ده دوام و ثبات ایدنلر بوکون
خلاف رسول الله اوله رق مالاً بدنأ مفروض اولان جهاددن
روکردان اولدیلر آنلر منافقدر فاسد اولان کهنه پروغرام
دینک بقاسنی صوم و صلات حج ايله تعریف ایدر حقیقت اویله
دکلددر بلکه پروغرام جدید ایجابجه مالا بدنأ جهاد ايله در

بویله اولدیفی ده شو آیت ایله ثابتدر . لن ترضی عنک الیهود
والانصارى ... الخ

یا حیدیم یهود و نصارا سزی کندی دین و ملتیرینه چویر-
مدجکه سندن اصلا راضی اوله منزل .

شوآیت کریمه موجبنجه نصارا حکمدارلری حمایه سنده کی
اسلاملر بحق مسلمان اولمدقلری صراحتاً کلاشیلور چونکه
بومسلمانلردن نصرانی اولان حکمدارلری راضیدرلر و رسماً
آنلری کندی ملتى صره سنده طانور حالبوکه یوقاریکی آیت
کریمه موجبنجه ملل نصارا اسلاملری کندی دین باطللرینه ارتداد
ابتدیرنجیه قدر آنلردن راضی اولمیه جقلردر .

لا یزالون یقاتلونکم ... الخ

طاغفه نصارا دائمی صورتده سزکله مقاتله ایدرلر تا که
سزی کندی دینکزدن ارتداد ابتدرسونلر . مصابجده محرر
شو حدیث شریفده بوآیات جلیله بی تأیید ایدر .

رضاء کافر غضب رحماندر غضب رحمانده رضای کافردر .
یعنی برکافرکه براسلامدن صوگ درجهده راضی در همه حال
اواسلام مقهور و مغضوب رحماندر ممالک خرسقیانییهده کی
اسلاملر کی برکافرکه برمسلمانانه صوگ درجهده غضب و عداوت

ایدر او مسلمان مرضا و محبوب رحماندر ترك خلفای
اسلامیه سنده کی اسلام را کبی .

و قاتلوا هم حتی لا تكون فتنة و يكون الدين لله

عند الله دين اولان دين اسلام مصون قالنجيه قدر كفار
فجارك فتنة و فسادينه قارشو مالا و بدنا جهاد ايدى كنز .

ايسته بآيت جليله دن آكلا شلديغنه كوره انكلېز فرانسز
روس حمايه و تابعيتنده بولنان مسلمانلر دارالخلافت اسلاميه
اولان استانبوله مالا و نقداً اعانانده بولند قلىرى و جهاد مفروضدن
محروم قالد قلىرى جهته آنلرك دينى تام دكلدر .

خواجه و شيخلر زعم فاسد لر نجبه بز وارث انبيا و اولياى
دنيا بزم ايچون دوزخدر موت راحتدر آخرتده جنت و جمال
بزمدر ديرلر . بزده آنلره اشته چتالجهده حرب وار مسلك
انبيا و اولياده اولانلر مالاً بدنأ جهاد مفروضه بالاشتراك شو
دنياى ديندن شهيداً قورتولنجيه قدر جهاد ايدى رك جنت و جمال
واصل اولسه كر كدر ديدك ايسه ده آنلر كندى فاسد پروغرا .
ملرى اوزرينه جوامع و مدارسده تكيه و زاويه لرده مالا يعنى
مسائل ايله مشغول اوله رق ترك جهاد ايلديلر كه شوآيت جليله
آنلرك احوال و اقوالنه قارشو بر نص قاطعدر .

ان زعمتم انکم اولیاء الله من دون الناس فتمنوا الموت ان
کنتم صادقین ولا یتمنونه ابدا

ای منافق! زعمکز موجب نبجه اگر سز صحیح اولیاء الله
ایسه کز محاربه ده اولومه رسیده اولنجیه قدر آرزوی قتال ایدیکز که
قولک زده صادقیندن اوله سکز حالبوکه آنلر اصلا اولومی آرزو
ایتمز و حرب ده کیده مز .

درس — ۵

اولیاء الشیطان اولان بر طاقم خواجه و شیخلرک قلوبلرینه
شیطان خوف و هراسی القا ایدر جهاد و جنکدن قورقارلر
قدسیتلر یله افتخار ایدن مصر یلردن محمد علی زماننده بر چوغی
عسکره آلتیق قورقوسندن شهادت بر مقبرینی قطع ایده رک
کندیلرینی سقط زمره سنه الحاق ایدرلردی بونلر کبی حرب
و ضربدن قورقانلر هر هانکی قوم و ملتدن اولور سه اولسون
مؤمن دکلدلر بلکه آنلره اولیاء الشیطان دنیلور . ایشته آیت
کریمه انما ذالکم الشیطان یخوف اولیائهم فلا تخافوهم و خافون

ان کتم مؤمنین. تعلیم عسکری شرفدن محروم اولان کسه لر شو آیت کریمه شرفندن ده محرومدر لر حتی امام محبوبی مذهبجه بلا استئنا هر فرده فرض اولان تعلیم عسکری بیلمین کسه لرك آرقه سنده نماز قیلمق جائز دکلدر جناب واجب الوجود حضرتلری عسکر و تعلیم سلاح خصوصنده شو آیتلری تنزیل بیورمشد ر .

وانزلنا الحدید فیه باس شدید و منافع للناس .. بز حدیدی خلق ایلدک بونده جرح و ضرب کبی بر طاقم مضرتر غذا بلر وارسده انسانلر ایچونده بر چوق منافع واردر کفار فجارک دفع شری ایچون مستعمل اولان قلنجلر طوپلر تفنگلر کبی بو آیت جلیله ده دمیرک خلق بیورلمه سنی جناب حق انزلنا ایله تعریف بیور بیورلر بونده بر حکمت عظیمه وبر معجزه جلیله واردر انزال آیات کریمه نك نزولنه مخصوص اولدینی حالدده دمیرک خلق بیوراسنده تخصیص بیورلمش یعنی آیات قرآنیه انسانلرک دنیا و اخرتده کی رفاه و سعادتلرینی موجب اولدینی کبی دمیرک دخی دنیاده انسانلره نه درجه ده منافع تأمین ایده جکنه اشارتدر . فی الحال زمانمزک صنایع و تجارتی شویله بر ملاحظه ایده جک اولورسه ق صرف دمیر مصنوعات و معمولاتنک کسب ابتدیی ترقی و تعالی یوزندن حصوله کلدیکنی کسه انکار ایده مز .

ان الله يحب الذين یقاتلون فی سبیل الله صفأ الخ

جناب حق تعلیم عسکریده و یا حربده بولنان صفوف حیثی
بک زیاده سور .

والصافات صفأ . . . الخ

تعلیم و حرب اوزره اولان صفوف عسکریه اوزره
قسم ایدرم

نص قاطع ایله خلافتی ثابت اولان دولت اسلامیة عثمانیه نك
زیر تابعیتندگی عرب تاتار ارنبود شیخ مدرس مکلی یملی
والحاصل اقوام مختلفه واصناف اسلامیة دن مالاً بدنأ و متحدأ اعظم
عبادات اولان جهاده اولیاء الله اولان اولاد ترکدن عبدالرحیم ،
جمال الدین ، شکری ، رضا ، بکر ، جاوید ، رؤف ، انور ، عزت
وامثالی صل الله تعالی علیهم و علی الهم واصحابهم و قدس الله اسرارهم
حضر انک جیوش و صفوفنده و یاخود بونلره مالاً و نقداً معاونتده
بولنانلر صنفنده اوله رق اشتراك ایتمیلر دین میندن ارتداد
وطوعاً قرستوس دین باطلانی قبول ایدنلر صره سنده درلر .
ارناوودلر دین اسلامدن ارتداد ایتدیلر کفار فجار ایله
عسا کر اسلامیة علیهنده یا استعمال سلاح و یا اردوی اسلامی
ضعفه دوچار ایتک اوزره صف حربدن فرار ایدره رک کونا
کون افسادات و تسویلات شیطانیه ایله انهمزام اسلامه سبیت
و بردکلرندن کافر اولدیلر مصر و هند اهالیسی خلافت اسلامیة به

نقداً معاونت ایتمد کلرندن هندلیلر انکلتزمه و بخار الیلرله تاتارلر روسیه
فاس و تونس و جزایر لیلر فرانسه به و حجاز و یمن لیلر نفسله رینه
تابع و عثمانلی ترکلرندن بر قسیمی ده خرستوسک و کیلی اولان
بطریقخانه ایله بالاشتلاف صورت خفیه ده قرستیان دینه التفات
واکا معاونت قصدیه حکومت اسلامیه و خلافت عثمانیه نك
اجرا ات و حرکاته مخالفت قیدینه دوشه رک پاپاسلر بوشو
و قوزمیدیلرله یکسان و اتحاد اسلامه اعلان عصیان ایله سمعا
و طوعاً دین مینه سوء قصده عزمران اولدقلرندن اهل
ایمان اوزرینه قیامتی قوباردیلر .

بنی علی السلطان بنی علی الرحمن مفاد نجه اسلامدن معشر
اسلامدن روگردان اولوب ده دشمن دین و کفار ایله مشارکت
ایدن اسلام اسم و کسوه سنده کی مرتدلره قوم عتیق دییورز
او قوم که حربدن قورقار جهاده مالاً بدنأ قوشمقدن حذر
ایدر جیانتله ارتدادی قبول ایدر بویه اولانلره قارشو جناب
حق یکی بر قوم جیقاره جغنی وعد ایدیور بو قوم جدید اخلاق
حسنه ایله متحلی متحد متفق عندالله محبوب و حبیب جسور
غیور محارب مجاهد و غازی و اهل ایمانه رؤف مشفق و رفیق
کفار فجاره عزیز و جبار و مظفردر حدیث شریفده بیان
بیوریلان مهدی و مجدد دین زمان ایشه بوزماندر مهدی کو کدن

اینمیه جکدر اهل اسلام ایچنده طلوع و ظهور ایله جهان اسلامی
اشراق و تنویر ایلیه جکدر ایشته اوده اولسه اولسه قوم جدیددن
بشفه برشی دکدر

ای امت اسلامی باقکز آیت کریمه نه خبر ویریور

یا ایها الذین آمنوا من یرتد منکم عن دینه فسوف یأتی الله
بقوم یحبهم ویحبونه اذلة علی المؤمنین واعزة علی الکافرین
یجاهدون الخ

ایشته بو آیت کریمه دن صراحتاً مستبان اولورکه خلاف
قرآن و حدیث و خلاف حقیقت اسلام جبین جاهل ذلیل
مسکین بر قوم عتیق واردر . بوقوم اعتقادات دینه و سیاسییه
خلاف قرآن اوله رق حرب و لوازم حرب و حسن اخلاقه
علوم و فنون حکمت و تجارت و صنایع و ثروت و سیاست و سائر
آدمیت و بشریتک موجب شان شرفی اولان کالات و ترقیاتیه
اعتبار و اعتقاد ایتمز . بو کبی کالاتدن محروم اولدقلری جهتله دائماً
مغلوب و مقهور اولورلر . و یوما فیوما دیندن ارتداد اوزره درلر .
تدریجاً خرسیتان دیننه کیررلر . بونلر جناب واجب الوجود
حضر تالرینک باشلیجه امریور دینی شیلردن بیکر جه سنی هیچ
قاله آلمیه رق ارکان دینی یالککز بش شیئه یعنی صوم صلاة حج

ذکات و کلمه شهادته حصر ایدر لر و کافه معاملات و حرکاتده
او امر قرآنیه و احادیث نبویه خلافتده اولسه دخی کندیلرینه
برکوی، حلبی، شافعی، کنزمنیه المصلی، مالکی، فتاوی. حنبلی الخ.
کبی بر طاقم کتابلری دستور العمل اتخاذ ایدر لر . بو کتابلر
اختلافات کثیره، نفاق و شقاق و منافرت ایله مملودر. بونلرله
اجرای عمل غیر جائزدر. الیزده قرآن عظیم الشان و احادیث
نبویه کبی حجج قاطعه و ارکن الآن بو کبی کتابلرله عمل ایتمک
قوم عتیقست کاریدر . کتب مذکورده مدون احکامک پک
جوغی عقل و منطق علوم و فنون حاضرده مخالفدر . بناءً علیه
احکام جلیله قرآنیه و احادیث مقدسه نبویه دخی مخالفدر .

درس -- ۶

قوم عتیق

بوقاریدن بری ذکر ایتدیکنز قوم عتیق و قوم جدیدی
صره سیله ایکی بحثده ایضاح ایتمک ایسترم .

دین اسلام ششعشۀ اقبالیہ ارض حجازدن طلوع ایدہرک آز
مدت ظرفندہ شرق و غربہ شمال و جنوبہ ولہ انداز استیلا
اولدقدن و نیجہ نیجہ علوم و فنون و صنایع و تجارتندہ آثار ترقی
کوسترہرک دنیایہ برمدنیت سریعہ نشر ایتدکدن صکرہ یواش
یواش احکام منیفہ و عادات مستحسنہ موحدینہ خلل طاری
اولہرق بر طاقم اعتقادات و خرافاتہ میدان آچامش احکام
دینہ کوناگون تفسیراتہ اوغراذلش اوامر جلیلہ الہیہ و نبویہ دن
بر چوقلری اہمال و ترک ایدیلہرک اسلامیت صوم و صلاۃ حج
ذکات کلمہ شہادت اولہرق یالکز بش رکنہ حصر ایدلش حتی
علم چیندہ اولسہ کیدوب الیکز کبی اوامر جلیلہ نبویہ
قارشو عصیان ایدیلہرک اوروپادہ ظهور و ترقی ایدن نیجہ نیجہ
علوم و فنونہ قارشو عادتہ خصوصت ابرازینہ قدر تعصب
وجنایتلر ارتکاب ایدلش و بر زمانلر منبع علم و عرفان و دار
الصناعۃ چہار اقطار جہان اولان مراکز اسلامیہ انحطاطہ
یوز طوتوب یوماً فیوماً درکۂ سقوط وافولہ قویولمشدر
ایشتہ جہان اسلامک شو حال سقوطنندہ بیلہ اوایانمق
واویاندیرمق ایستہ میوب بش شیدن عبارت اولان بنای اسلامہ
تمسک ایدن مسلماندر سارق قاتل ادبسر اخلاقسر اولسہ

مسلمدر بوش شیدن بری ترك ایدن کافر در سلام ویرلر
 جنازه نمازی قلماز کبی کندیلرنجه بر تعصب جاهلانه احداث
 ایدن خواجه و شیخلر و انلرک پیرولری ده قوم عتیق در. احکام
 عدیله دینه ده اهل و یالکز صوم و صلاته افراطه واریله رق
 قوام ارکان دین جهاد و لوازم جهادی ذکر بیله ایتیم بیکلرجه
 کتاب تصنیف ایتشلر مثلاً برقادرین حالت وضع حملده جنینک
 نصفی خارج و نصف اخیری داخلده ایکن وقت کلسه همان
 جنینک باشنه بر چوملک کچیره رک نمازنی ادا ایتلی کبی عقل
 و شرعک خلافتده بحثلرله کتابلر طولدر مشلر صومده کل
 قوقلامق یا خود حال صومده ایکن بر کسه نک آغزینه سیوری سینک
 قاجق ایله اوروج بوزیلورمی بوزلمز می کبی اوزون اوزون
 فقط هیچ اهمیتی اولیان مسئله لرله اوغراش مشلر ملتک اسباب
 انقراضی و باعث ترقیسی نه کبی شیلر در ذهن بیله یورمق طرفی
 التزام ایتما مشلر در که بو کبی شیلر نه آیات و نه حدیث شریفده
 بر اشارت یوقدر. حج خصوصنده ده بر طاقم مبالغه لر میدان
 ویر مشلر در زمزم ایچن جهنمه کیرمز کبی ذکات بحثده
 ایسه ذکاتی حکومتدن غیری به ویرمک خلاف قرآندر ذکات
 حدیث شریف موجب نه حده حکومت ویریلور حکومت اهلنه

صرف ايدر لتاخذ من اغنيائهم وتقسم على فقراهم بوكا اشارتدر
سن اغنيادن ذكاتی آل آنلرك فقراسی اوزرينه تقسيم ايت
خذهن اموالهم صدقة . . . الخ

صدقه بي آنلردن آل

ديك اولور كه ذكات حكومت اسلاميه نك مأمورلری واسطه سيله
تحصيل اولنه حق وينه حكومت اسلاميه طرفندن اهله توزیع
وتقسیم ايديله جكدرد . هر كس كلن كيدن ديلنجيلره جرارلره
ذكات ويرمك جائز دكلدر .

قوم عتيقك عقائدي

وبالقدر خيره وشره من الله تعالى يعنى خير وشر اللهندرد
هر كسك قسمتي از لده يازلمشدر جف القلم قسمتك هر نه ايسه
آياغنه كلير قدری تدبير بوزاماز اسلام اولميان هر نه قدر اخلاق
حسنه و افعال خيره صاحبي اولسه ده ينه كافر در الى الابد
جهنمه برقرار در مقتوللره وارنجه به قدر هر كس اجله ايله .

اولور حضر وعیسی هنوز بر حیاتدر جناب حق رسول الله
افندیمزه کل حیم بن سکا عاشق ویا مشتاق اولثم اسلام نه
قدر جنایت ایشلرسه ایشله سون صوکی ینه جنتدر وبر براق
قرق بیک سنه افندیمزه عاشق اوله رق جنتده آغلا یوب طور یور
جنی وبری انسانلره مسلط اولور دعایه آشنا برخواجه ویا
درویش او قورسه کچر عبدالقادر کیلانی شیخ شاذلی وشیخ
رفاعی واخل اولیادر وبونلره انتساب ایدنلر دنیا واخترده
بهره یاب اولورلر بو اولیایه یتشن یاپیر دییه ن کسه یه امداد ایدرلر
مرادی حاصل اولور .

اولیالر حربده یشیل صارق وجبه ایله حربه کیدرلر
جامعلره تکیه لره طوپلانو ب دعا و نیاز ایله اشتغال ایدیلورسه
حربلر قازانیلور فتوحات اولور وکذا وکذا

ایشته بوکی اعتقادلر من اول الی اخره خلاف قرآن
وحدیثدر بونلرک هربری شو آیات قرآنیه و حدیث نبویه ایله
مردوددر .

فن یعمل مثقال ذره خیراً یره ومن یعمل مثقال ذره شراً یره

کیم که ذره قدر خیر ایشلرسه مکفاتی وکیم که ذره مقداری
شر ایشلرسه مجازاتی کورور .

خلقکم لیلو کم احسن عملاً .

جناب حق سزی خلق ابتدی . آنجق علم ازلیسی میدانه
تظاهر ایتسون که هانکیکز خیر عمل ایشلر .

وان لیس للانسان الا ماسی .

انسانک سعی و غیرتله تحصیل ایدیلندن ماعدا بشقه بر قسمتی
یوقدر .

افلا نتدبرون .

سزنه ایچون تدبیر ایتیورسکز .

وشاور هم فی الامر .

هرایشده سن اهل ایمان ایله مشورت ایله .

ولکم فی القصاص حیوة

سزک ایچون قصاصده حیات وار .

لایبقی علی وجه الارض ... الخ . بخاری شریف .

یوز سنه کچنجیه قدر شمیدیکی بر حیات اولانلردن بر
کسه قالمیه جق .

انی متوفیک ورافعک .

يا عيسى سنك روحى قبض ايده جكم وروحى فردوس
اعلايه رفع ايده جكم .

العشق والاشتياق لا يطلق على الله شرح مواقف
عشق واشتياق صفات ناقضه دن اولد قلرندن جناب حقه
اطلاق اولنه مز .

من قتل مؤمناً متعمداً فجزاؤه جهنم خالداً
بر كمسه بر مؤمنى عمداً قتل ايدرسه جزاسى الى الابد نار
جهنمدر .

فاهتز الفرس... الخ مواهب لدينه
رسول الله افنديمى بر آته بينه جكى زمان شاهلانىق استهدى .
اتسمع الموتى... الخ .
اولولره مى ايشتدير يورسك ؟

درس — ٧

قوم عتيقك فروعات اعمالى ومنهيات
بوش، خالى مدرسه وتكيه وجامعلىر وعظام رميم ايله مملو
قبرستانلر ايجاب ايتسه ده لوازم عسكرىه وحرىيه به ويرلمز .

رمضان شریفک یکر می بدنچی کیجه سی قدر در . آیاقده
 وباشی آجیق صو ایچمک و بول ایتمک حرامدر . واولونک
 آرقه سنده دور واسقاط و هبت قیلت دیه رک دور واجبدر .
 یاپلر سه اولو جهنمه کیدر . قورشون نسیخه سی ، قرطاسیه
 وپهلوان نسیخه سی ، جنی بری نسیخه سی ، وضع حمل نسیخه سی
 واستنجاده خنصره بنصره دبرینه کیفیت وکیت ایله ادخال
 واخلارجی واولو ایله جماع وقوع بولور سه غسلك وجوب وعدم
 وجوبی ، سنت دوکونی ، جنت ده هر بر کسه به یتش حوری
 وغللمان واردر . بر کیجه ده یتش حوری ایله جماع ایدنلرک
 ذکر ی هنوز سکون بولمز ، جنت ده لواطه وار می یوقی اختلاف
 علما واردر . بعدالبول ذکر یی الله طوتوب قرق خطوه
 کیتمک سنت سنیه در . بیقلر یی کسمیان ، فرانسرجه وسائر لسان
 تعلم ایدن ، علوم فنون حکمیه اوکرنن ، اعانه عسکریه وسائر
 بر امر خیر ایچون اجتماع ایدن نسوان ، واولوبی تشریح ایدن
 و برای امر سیاسی رسمی چیقاران وسوقاق کلبر یی اتلاف
 ایدنلر وخسته خانه لرده خسته لره مجروحینه خدمت ایدن قادینلر
 هپ کافر در .

برای تکریم اولیا و انبیا قبورینه رکوع و سجده ایتک
دیز چو کک اولیا و انبیاء عظام مستثنا اولق اوزره دیگر
کبرا و اعظم دن برینه ویا برقاچه اللهم صل رضی الله عنه و قدس
سرہ کبی ادعیه و تصلیہ دہ بولنقی، طیب حاذقک امریلہ دہ اولسہ
برای قوت و علاج اسپرتو قوللانق هب موجب کفر و انمدر.
شورایہ قدر صایدیغمز و دہا نیجه بر طاقم شیلر قوم عتیق
و مقلدین کتابلرنده موجود خرافات و نا معقول و مخالف آداب
احکام وارد رکہ آنلری برای رد یازمسی بیله موجب حیا
و شرمدر.

بزکہ خالص مسلمان اولدیغمز ایچون قرآن ذیشان و حدیث
بنی آخر زماندن ماعدا هیچ بر کتاب ایله عمل ایتیز. دیگر
کتابلرده کی احکام احکام شرعیہ دینمز کتاب منزلدن بشقه
کتابلرله استدلال و حکم ایدنلر کافر و فاسق اولورلر.
شو آیت جلیله

ومن لم یحکم بما انزل الله فاؤلئك هم الکافرون
هر کیم که کتاب منزلدن غیر یسنی دستور العمل اتخاذا یدرسه
کافر در

ومن لم یحکم بما انزل الله فاؤلئك هم الفاسقون
هر کیم که کتاب منزلدن غیر یسنی ایله حکم ایدرسه فاسق
و فاجر در.

وان تنازعتم فی شیء فردوه الى الله ورسوله . . الخ اگر
بر مسئله دینه و دنیویه ده نزاع و خلاف ظهور ایدرسه سز
اومسئله بی کلام الله و کلام رسوالله مراجعتله حل ایدیکز .

بو اوج آیت جلیله موجبجه خلاف قرآن و حدیث و عقل
اولان کتب قوم عتیق محتویاتی که حلبی ملتقا فتاوا و سائره کبی
کتابلرده محرر در . آنلری دستور العمل اتخاذ ایتک غیر جائز در .
الله و بیغمبرک احکامندن بشقه شیرله اجرای عمل اولنیه جنی
قطعیاً تظاهرا یدیور . ذاتاً قرآن عظیم الشانک اوج یوزشوقدر
یرنده لعکم تعقلون افلاتذکرون افلاتشعرون افلاتنظرون
افلا تتفکرون افلا تعقلون لاتفقهون لاتفهمون لاتعرفون کبی
عقل و ادراکک تدبیر و تذکرک لزوم اعمال واستعمالنه یک چوق
امرلر وارد در .

دینمزده دستور العمل اتخاذ اولنان و استدالات عقل و نظر
خصوصنده کی شیر انسانلره بخش اولنان عقل و کیاست فکر
و ذکاوت کبی رهبر حقیقت اولان خصائص نور الهیدندر . اساس
و سیاستمز بونلره مستند اولمق لازمدر . قوم کهنه نیک احکامی
عنعنات غیر معقوله اوزرینه و قرآن و حدیث خلافنده اداب
و اجتماعیات مدنی و السانیه ایجاباتی خارجنده اولدیفندن کراحت
و نفرتله مردوددر .

صلوات و تکریم بحثه کنگه خلافت عثمانیه مالا بدنا
جهادده ثبات و دین مینه قارشو سل سیف ایدن کفارہ مقابل
ایثار خون شهادت ایدنجیه قدر فی سبیل الله جهد ایدن ارکان
وامرای جنود اسلامیه به صل الله علیهم و علی آلهم واصحابهم
ورضی الله تعالی عنهم اجمعین دینک جائزدر . اللهم صل علی آل
ابی وفا فخر و اله ساجدین .

زمان سعادتده آل ابی و فادینان بر کسه به رسول الله افندیمن
بوصلواتی کتیره رک افراد امتدن محارب اولان کسه لرده
صلواتک جائز اولدیفی اشارت بیور مشردر .

متعصب کسه لر کندی مسلک متعصبانه لرینه مخالف بر
آیت و یا حدیث کورد کلری زمان در حال او آیت و حدیثی
کندی مسلک جاهلانہ و متعصبانه لرینه توفیقاً تأویل ایدر لر
ویا خود مفسوخدر دیر لر . مثلاً و من اوتی الحکمة فقد اوتی
خیرا کثیرا حکم جلیلی جمیع علوم حکمیه و فنون طبیعیہ
شامل ایکن کهنه قفالر کتب جاهلانہ دن استنباطاً بونک علم
فقه دال اولدیفی تأویلہ چالیشیر لر . او بلہ دکلدر بخاری شریفده
مذکور اولان بر حدیث شریفہ کوره رسول کبریا افندیمن
حضرت علی بی نمازہ دعوت ابتدکی حالدہ علی جواباً
بوکون قلوبمزد قدرت الهی ده در ... الخ دیش بو حدیثدن

ایجابنده عذر نماز ممکن اولدینی استدلال اولنور . حالبوکه
کهنه متعصبلر بو حیدشه کی نمازی نافله در دیر لر ان الصلوة تنهی
عن الفحشاء . . الح

عمل خیر اولان نماز مصلی بی فحشیاندن منع ایدر .

قوم عتیق پروغرامنده بو فحشیانی نماز ایچنده ممنوع
کرتیریور حالبوکه نماز بر عبادتدر که انسانی فحشیاندن منع
ایدر دائما عمل صالح و اخلاق حسنه اوزره بولندیرر .

حجک دخی بر امر سیاسی اولدینی متعدد آیات و احادیث
ایله مؤیددر هله بومسئله صوکه درجهده واضحدر . درت
امامه تابع اولان کهنه دیندار خواجه لر آیات قرآنی و احادیث
نبویه بی بر طرف ایدره رکندی مصنفات جاهلانه لر بله عمل
ایتمکدن فارغ اولمز لر انلرک مصنفاتنده حرب و جهاد یوق که
کفار ایله جهاده شتابان اولسونلر

درس — ۸

قوم جدید

کفار حمایه سنده یشایان دیننیز جین مسلمانلرک کافر

دوستانی جانت و کسالتی بورالر قدر یواش یواش انتشار
ایتدیکندن حرب اخیریه قوم عتیق افرادندن پک چوق شیخلر
خواجهر حاجیلر دشمنلرک غیرت ملیه وسائقه ارتشاسیله
بیسله رک بیسلمه رک روم بلغار بطریقخانه لرندن نشم ایدیلن
بیك درلو تزویرانه آلت اولدیلر ظل الله فی العالم اولان حکومت
اسلامیه یی دوچار ضعف و وهن ایده جک اسباب و وسائلک
کافه سنه مراجعتدن چکینمیدیلر کفره اشتراک ایله اسلامی محوه
بورودیلر ملت اسلامیه بیننه تفرقه دوشوردکلری ایچون دول
متفقہ نک بر میلیون عسکرینه قارشو اوچ یوز بیك مجاهد
طوپلانه بیلدی .

ایشته شو حرب الیم اثناسنده او قییل تزویرانه باقه یوب
بالجمله موجودیتیه جنک وجدال میدانلرینه آتیلهرق اینار
خون و حیات ایدنلره حکم قرآن موجبجه قوم جدید دینلور
بو قوم جدیدک مقتداهی اعتصام ایلدیکی جبل متین صرف
آیات قرآنیه واحادیث نبویه در وامامی ده یالکز حکومت
و خلافت اسلامیه در قوم جدید احکام دینه دن اولان صوم
وصلات و حج ذکات و کله شهادتی حاشا اشکار ایتمز آنلرده

متمسک در فقط آنلری ارکان دین مین عدا یتیموب قوم جدیدک
احکام آیاتیه واحادیثیه دن چیقاردینی ارکان دین شونلردر

۱ — عقل

۲ — کلمه شهادت

۳ — اخلاق حسنه

۴ -- مالاناً جهاد و حرب

۵ — خلافت معظمه عثمانیه سنجاغی آلتنده اتحاد و اتفاق ایله
تحصیل لوازم حربدر .

شمدی بونلری تحلیل ایده لم .

ارکان اسلامیه دن برنجیسی عقلدر چونکه عاقل اولمسان
بر فرد دین ایله مکلف دکدر . وحدانیتی عقل ایله بولق
حضرت ابراهیم کبی عظمت و قدرت وجود الهیه یی تصدیق
ایلك آنجق عقل سایه سننده در . ایکنجیسی کلمه شهادتدرکه
رب تعالی و پیغمبرینی تصدیقدر .

اوچنجیسی اخلاق حسنه : بشریت ومدنیت وبالجمله ادیان
اخلاق حسنه اوزربنه مؤسدر . بر کیسه نه قدر دیندار

اولورسه اولسون اخلاق سیئه ایله متصف ایسه آنک دیندار -
 لغدن نه کندی ونه ده سائرلری فائده کورمز . نماز صوم
 ذکات حج اخلاق حسنه ایجاباتندندر . نماز صاحبی فسق
 وفجور دن منع ، خالق کائناته کمال خشوع وحضوع ایله عبادت
 وسجده در ، صوم کذا قوای خمسہ یی تهذیب یعنی کوزی
 قنایه باققدن لسانی مالا یعنی سوزدن قولای اولور اولمز شیرلی
 اشمکدن وقوای سائرہ یی غیر مرغوب احوال دن حفظ ایچون
 آنلری تحریک و اغویای بادی اولان قوتلی غداردن امساک
 وصحت بدن نقطه نظرندن معده وامعابی حمیه ایله تقویه دن
 عبارتدر .

ذکات هم جنسہ معاونت نقدیه ومالیہ ده بولمق ایچون
 حکومتہ ویریلن وحکومت طرفدن لزومی اولان جهتله
 صرف ایدیلن قرقدہ بر ویرکوی نیندر . حج ایسه چار
 اقطار ، جهاندن خلافت اسلامیہ نک حکم ونفوذ وادارہ سی
 آلتندہ بولنان بر مرکز سیاسته طویلانمق واوراده بتون اهل
 اسلام ممالکندن کلن کبرا اغنیا فضلا سیاسیون یکدیگریله
 اختلاط واستیناس ایله ممالک مختلفه اسلامیہ نک شمس خلافت
 عظمای اطرافندہ برر پیک کبی نه صورتله حرکت ایتلری اقتضا
 ایلدیکنی بالمشاوړه کافه اقطار اسلامیہ یی وحدت فکر وامل
 دائره سنه آلمق حکمتته منیدر .

اركان دينك دردنجيسى اولان مالا بدنا جهاد ، دين
وممالك اسلامى كافه سى اسلامه دشمن اولان كفارك تعريضى
وهجوملرندن محافظه اخلاق فاسده لرندن ممالك وبلدان موحدىنى
صيانته هر مسلم عاقل ايچون فرض عيندر . عبادات و طاعاتك
اشرف واقدم وافضليدر اسلام ايله منافق صادق ايله مفسد
آنجق جهاد ايله فرق اولنور . جهاد و حرب ظهورنده مالا
وبدنا اشتراك ايتيملر منافق وكافر در .

بشنجيسى اتحاد و اتفاق و اخوت دائره سنده تحصيل لوازم
حربدر كه هر قوم بوسايه ده موجوديت اجتماعيه و مليه و سياسيه .
سنى محافظه ابد بيلور بونك شمولى بك چوق بك دريندر .
ملتك سويه عرفان و ثروتنى ارتقا ايتديره بك جميع علوم و فنونك
تحصيلي و صنايع و تجارت خصوصنده جهد و اقدام و تربيه اجتماعيه
و سياسيه نك تعميمي و الحاصل ملتك تكامل و تعاليسى امرنده
هر نه وسائط و اسباب و ارسه كافه سنه توسل هپ بولوازم حرب دائره
شمولنده در . برمت اسلحه سنى و السابحات سبجاً قول ربانيسيه
توقير اولنان زرهلى سفينه لرينى طور پيدولر ينى طباره لر ينى كندى
فابريقه لرنده انشا و اعمال ايتمزسه انلرى وجوده كتوره بك
ثروت و نقودى قازانه جق صنايع و تجارتى الله آلمزسه فقر

و جهالت ایچنده نه قدرتی اولورکه هر کون بر درلو اختراعاتیه
جهان بشریتی دائرة اسارت واستیلاسی آلتیه چالیشان
اوروپایه قارشو مدافعه وطن و ملیت ایده ییلسون .

ای امت محمد براقیکز قوم عتیق خواجه لرینک شیخ لرینک
ترهاتی. حبل متین محمدی به صاریلکز قوم جدید پروغرامی
اوزره هپ بردن انفاق و اتحاد اوزره سعی ایدیکنز
مملکتک صنایع و تجارتی و طولایسیله ملتی وانک تمثالی اولان
حکومتی تقویه ایدیکنز یوقسه کوریورسکز که یوزلرجه سنه لردن
بری بتون ممالک اسلامیه اسکی پیرانمش سوخته پروغراملرینک
سوق ابتدیکی جهل و کسالت و قیدسزلق یوزندن برر برر
اوروپایلرک ربقه اسارتنه کیردیلر هانی اومعظم اندلس حکومتی
هانیا هندستانک اومشعشع سلطنتلری هانی ایرانک دارات
وددبه سی هانی فاسک قوت وسطوتی هانی سلطنت عثمانیه نک
بتون اوروپایه تحکمی هیات بونلرشمدی برسراب برخیال کبی
ماضینک ظلام تبعدینه قارشدی کیمدی بتون اسلام مملکتلر -
ینک اوکنده برر سیاه اوچوروم کندیلرینی بلع واقنا ایتمک
تهلکه سنی کوسترمکده در . سلامت و نجات آنجق کهنه پرو -
غرامی ترک ایتمک قوم جدید پروغرامنه درت ال ایله صارملق
سایه سننده امکان پذیر اوله ییلمور . کتابمز بزم آتیز ایچون

وعدلر ویریور آنجق بز قوم جدید اولدیغمیزی اثبات واراثة
ایده بیللم

درس — ۹

روم ایلنده اشهر حجه تصادف ایدن ایام مشئومه ده اهل
اسلامه روا کوریان قتل عامدن طولایی بعدما ذی القعدة
وذی الحجه آیلرنده اجرای ماتم ایتلیدر وحیج و قربان بدلاتی
هر سنه مدافعه ملیه و درنهای عثمانی صندوقلربنه تخصیص ایدیلهرک
مهیب بر اردو ودهاش بر دونما حاضرلیه رق دشمنلریمزدن
اخذ انتقام ایتدکجه سکونیاب اولماملی یز . دشمنلریمزدن
دشمنلریمزله تشریک مساعی ایدن مرتد و منافقلردن تباعدله
انلرله الیش ویریش ایتهملی حتی ممکن ایسه آنلری اهل ایمان
ایچندن طرد ایتلی .

امور حکومت وامور عسکریه اهلنه تفویض وفاحش
معاشلر تنزیل ایدملی جمعه و بایرام خطبه لری لسان ترکی ایله
اوقونملی بو خطبه لر حکومت طرفندن ویریلهرک تعلیمات اوزربنه

هر جمعه احوال سیاسیه نك مقتضیاتنه توفیقاً اهالی به تلقین ایدملی
 بعض خصوصده امور سیاسیه امور شرعیه به تمامیه موافق
 اولسه بیله امور سیاسیه ترجیحاً امور شرعیه به تقدیم اولنهرق
 امور شرعیه موقتاً تعطیل ایدملیدر جواز شرعی وارددر حدیده
 محاربه سنده حربی متعاقب عقد ایدیلن مصالحه ده صلحنامه نك زیرینه
 رسول الله افندیمن طرفندن محمد رسول الله عباره سیله وضع ایدیلن
 امضایی کفار قریش قبول ایتیموب بزسنی رسول الله طائیمیزبناء علیه
 ایدیله جك امضا یالکمز محمد اسمندن بشقه بر صفتله اولمالیدر.
 طرزنده واقع اولان اعتراضلرینه قارشو حضرت نبی محترم
 قرآن مجیده جناب واجب الوجود طرفندن توسیم بیوریلان
 محمد رسول الله اسم مبارکندن رسول الله صفتی ایجاب سیاست
 طی بیوره رق یالکمز محمد امضا بیورمشلردی. ناسخ منسوخ آیات
 قرآنیه دخی ایجابات سیاسیه دندر.

چونکه جناب حکیم مطلق حضرتلری هر درلو نواقصدن
 منزله واولجه ازال بیوردینی بر آیت جلیله یی صکره کیله نقض
 ونسخ ایده جك حکمتسنزلکدن قطعاً مبرا بولندینی جهتله
 ایجابات احواله مقتضی ارادات ربانیه سیله قوللرینی ارشاد و اشراق
 بیورمشلر و رسول الله افندیمنزده او سیاست اوزره تبلیغ اوامر
 یلشلردر. ایشته ناسخ منسوخ آیات کریمه بو حکمه مبنیدر
 احادیث نبویه دن

یعنی ناسخ و منسوخ اولانلر، بینه سیاست اقتضاسی واقع اولمشدر . قبله نك قدسدن مكیه تحویلی والجت تحت ظلال السیوف حدیث شریفی و حضرت عمر ك حجر اسوده خطاباً سنده سائر طاشلر کی برطاش سك الخ. بیورمسی هپ سیاستك مقتضیاتندن اولوب بو کی وقایع مهمه یی بزده سیاستمزده کندیمزه رهبر اتخاذ ایله سبب نجات وفلاحمز اولان ترقیات دینییه و دنیویه مزه سهی ایدملیدر . بن وعظیمی سائر خواجه وشیخلرك وعظمری کی بیک دره دن بیک صو کتورمك کونا کون حکایه ومصاللرله افسانه شکلنه صومق طر فدار ی دکلم قرآن وحدیث احکام منینی اوزربنه علی وجه لایحجاز والاختصار دیرم که حقیقت اسلام وکنه دین مین آنجق وانجق عقل وتدبیر و اخلاق فاضله وحسنه دن غیری دکلدیر .

سیاست وتدبیر وتفکر ونظر وتحصیل علم وادب وصنایع وکالات کی بشریجه اصل واساس تمدن اولان شیلر فروع ولوازم عقلدر .

عدالت ، ولوازم عدالت ، منافع عمومیه، دفع فساد وتأمین امنیت مال وجان ایچون اولان جهاد ، ولوازم جهاد ایچون تحصیل ثروت وحشمت وشوکت واتحاد امت وجدیت حرکت وسائر دخی اخلاق حسنه نك فروع ولوازمندندر .

حضرت امامك قولى موجبجه كه رجفنا من الجهاد الاصغر الى الجهاد الاكبر بيوره رق دينك ايكى عبادتن عبارت اولديغى برى جهاد اصغر كه اهل فساد و شرير اولان كفار فجار يونان بلغار و سائر سيئات اخلاق صاحبي اشراى خرسيتيانيه يي قهر و تدمير و شورشور لرندن عباد الهى حفظ ايتمكدن ديكرى جهاد اكبر كه هر كس كندى نفس اماره سنك شر و فساديغى ازاله ايله نزاھت نفس و اخلاقه سعى و اجتھاددن عبارت اولوب بونلر هر مسلمه فرضدر. وجود انسانده كره ارض اوزرنده سا كن ملتلك حكم و نفوذ خصوصنده يكديكر لرلرینه ضدا ولد قلى كې ايكى ضد قوت واردر كه بونلر كده برى عقل و مقتضاسى ايسه خير و حسنات و اخلاق حسنه در . ديكرى نفس در كه آنكده مقتضاسى شر و اخلاق سيئه در . اكر بر فرد عقل سليم اوزره حركت ايدرسه اخلاق حسنه ايله نفس اماره به غالب اولوب جيوش سياىتى محو و هلاك ايتديكى تقدیرده دنيا و آخرتده جنات نعيمده استراحت كزين اولور .

بالعكس شرير و غدار اولان نفس اماره سنه تابع اولان كسه اخلاق سيئه سائقه سيله هر فكرينه كلنى ارتكابه تردد ايدمه . جكندن سيئات اخلاق اخلاق حسنه سنى احما ايدرسه او آدم دنياده و آخرتده ذليل و سفيل اولور و عذاب اليمدن رها بوله مز .

ذاتاً اهل فساد و شرّت اولان کفارہ قارشو جنک و جهاد
بو اساسه مبنيدر .

اگر دنياده نصارا و خرستيانلر اسلامه غلبه چالهرق
جهانی استیلا ایدرلر سه کره ارض دائماً آنلرک شروشورندن
امین اولهمنز اهل ناموس بی کناه کسهلرک خون ناحقی هدر
اولور .

بالاده بیان اولندینی وجهله حضرت امامک قول شریفی
موجبنجه جهاد اصغر اولان حرب و قتل کفار بالجمله عباداتدن
مقدس و محترمدر صوم صلات حج کبی عبادات سائر زمان
اسایشده دروالحاصل دین اسلامک رکنی وانسانک شرف و مزیتی
ودنیا آخرت موجب فلاح و سعادتنی ایکی شیدن عبارتدرکه
برنجیسی عقل ایکنجیسی اخلاق حسنه در بو ایکی ارکانک
ایکیسندن محروم اولانلر دنیا و اخرتده عذاب جهنمدن خلاص
اولهمنز و یالکز برندن محروم اولانلر دخی فلاح دن محرومدرلر
ایمدی خرستیان اقوامندن اولان انکلزلرک حمایه سسنده
بولنان هندولر اخلاق حسنه یه مالک ایسهلر عقلدن محرومدرلر
زیرا اولنلر قافل اولسهلر. خرستوس دینه سالک ظالم و شریر
بر حکومتک زیر تابعیتنده ذلیل قالمالزلردی هم مذهبلی اولان
زایون ویا چین دولتلرندن برینه التحاق ایدرلردی خرستیانلر

هر نه قدر عقل و کياسته مالک ايسه لرده اخلاق حسنه دن
محروم اولدقلرندن نفس اماره لرینی تطمين ضماننده اقوام
سائره بی حیوان منزله سنده طوته رق آسياده آفریقاده آمریقادا
خرستیانک غیرینی بوغازلق بیك درلو اشکنجه لر آلتنده
ازمک ظلم و تعدینک انواعی ارتکاب ایتمکدن چکنمز لر
بیکلرجه مظلوم و بی کناه انسانلری قتل واقنا ایدر لر و جبراً
کندی باطل دینلرینی قبوله تضییق ایدر لر یوز بیکلرجه مسیونر لر
پاپاسلر هپ بو مقصدله جهانک اک هجرا کوشه لر نده ایقاع
شور و شر ایله مشغولدر

درس — ۱۰

ایشته کلریمزه کوره دنیاده موجود اقوام و ملل مختلفه
ایچنده عقل و اخلاق حسنه بی برلکده جمع ایدن ژاپونلر در .
بوسایه ده خرستیانلرک تعرضات و تجاوزاته شدتله مقابله و کندی
مملکت و ملیتلرینی انلرک مادی و معنوی تعدیلرندن مصون
بولندر مقدمه در لر

هندستانده ملیونلرجه هندولری بر قاج بیسک انکلز
چلیک زنجیرکی دوت طرفدن صارمش باغلامش اویچارملرک
مال و جانلری کندی اللرنده دکل انکلز خرسیتیانلرینک نفسنه
اسیردرلر ماللرینی ملیونلرینی آلورلر انکلزیه کوتورورلر
اورالرده جنت کبی شهرلر محتشم بنالر معظم زرهلیر یاپارلر
هندولر سایه سنده اکتساب ایتدکلری شوکت وعظمتی بنه
هندولر اوزرنده تحکم وتقلب صورتنده استعمال ایدرلر
ایشته بو هندولرک عقلسز اقلرندن ایلری کلیر .

یهودیله ده بولره بکزر یهودیلرک کندی ملتلرندن
بر حکومتی یوقدر حکومتسز ملتلرک دین و ایمانی ده اوله من
چونکه الناس علی دین ملوکهم آنلر تدریجاً تابع اولدقلری
ملتک دینه انقلاب ایده رک روی زمیندن مایتلری قالقار .

حتی شو صوک زمانلرده هندستانده کرک پودی وکرک
اسلامدن پک چوق کسه لر فوج فوج باطل خرسیتیان دینه
سلوک ایدیورلر ایشه بوسبیدنرکه وقتیه ملیونلره بالغ اولان
یهودیله کندی دینلرندن بشقه سنک کسیدیکنی بیه جک قدر
محافظه کار اولدقلری حالده بوکون عدلری شوراده بوراده
طاغنیق قلیل المقدار برحاله کلشدر . برچوقلری اسلام وبر
چوقلری خرسیتیان اولمشلدر .

ایشته خرسیتیان حکومتلرک ید استیلاسنه کیرن اسلاملرده
 ندریجا اسلامیتلرینی ضایع ایدرک منسوب اولدقلری ملتلرک
 دینه و ملیتته تمثیل ایده جکلردر. چونکه آنلرک خلافت و حکومت
 اسلامییه ایله نه مالاً و نه ده بدنأ ارتباطلری قالمامشدر صوم
 و صلات حج و ذکات و کلمه شهادتن عبارت علامت دینیهلرینی
 مرور زمان ازاله ایدر بر زمان صکره قیپ قیزل کافر اولورلر.
 ملتتمزه کلنجه ملتتمز هر یرده اعظم ارکان دین اولان عقل
 و اخلاق حسنه دن محرومدر دنیا یوزنده موجود اوچ یوز
 بو قدر ملیون اسلامدن هانکیسی رشد نام اوزره بولنیور .
 بر زمانلر عقل و اخلاق حسنه سایه سنده جهانی استیلا ایدن
 اسلام حکومتلرینک او عقل و اخلاقی ضایع ایتدکن صکره
 برلرنده انقراض حکومتلرندن بشقه برشی کوره بیلورمیسکنز
 ملت عثمانیه کلنجه حکومت عثمانیه نک عقل و سیاست کیاستی
 برنده ایسه ده ملتده اخلاق حسنه دوچار ضعف و وهن اولمش
 بولندیغندن اک مهم و نازک زمانلرده آرهلرنده نفاق و شقاق و عدم
 اتحاد پیدا اولدیغندن عقلای مملکت آنلرک بو حاللرندن بر رجای
 نبات و متانت بوله میهرق شونک بونک او یاندیردینی کانون فساد
 و فتنه قارشوسنده بیحضور و یتاب قالهرق زمام اداره یی اراخابه
 مجبور و بویوزدن خارجی دشمنلر فرصت یاب اولهرق مملکتی
 مضمحل و پریشان ایله مقصدلرینه نائل اولورلر ایشه بو طرزده

و کوندن کونه قوجه بر خلافت معظمه اوروپا قارشو سنده جسته
جسته قوتی شوکتی ضایع ایدهرک اریور .

بو حلالک سببی ایسه بر قاج یوز سنه دن بری مسلمانلر قرآن
و حدیث احکامی بر طرف و عقل و کیاستی ترک ایله شونک بونک
مؤلفاتی دین و دنیا خصوصنده دستور العمل اتخاذ ایلدکلرندن
و مؤلفات مذکوره ایسه بر جوق خصوصده احکام الهیه و اوامر
پیغمبریه خلافنده و عقل و منطق خارجنده اولمق اعتباریه
مسلمانلری طریق ناهموار اضمحلاله سوق و اطاره ایتدیکنند
ندرینه دیرم که بو کتابلری و آنلره سالک خواجهلری شیخلری
بر طرف ایدهرک اوامر الهیه و سنن سنیه پیغمبریه صارملی دنیا
و آخرت نجات و فلاح بولمیدر یوقسه صوگمز محو و پریشانیدر .

درس - ۱۱

نصارو خرسیان سوزلری

بتون خرسیانلرک اتفاقیه محاربه زانله ده چو جوقلری میزی

قادیلریمیزی قتل عام ایله افتخار ایدن اوروپالیر رساله لر
و مطبوع کتابلر ایله بزی باطل و ظالم دینلرینه ترغیب و دعوته
یلتنیورلر . (یازدقلری شیلرده ای مسلمانلر کلیکیز خرستوس
دیننی قبول ایدیکنز او حق دینیدر . خرستوس اللهدر . قرآنکیزده
روح الله دینلمسنگ سبی بودر . قرآنده محرر اولان انجیل بزم
کتابمزددر . محاربه زائلهده خرستوس دیرلمشدی بزه یاردم
ایتدی سزک اللهکیز یوقدر عسکرلریکیز بزم عسکریمزدن
قاجدیغنگ سبی معنوی مظاهرت واقع اولمدیغنددر . سزده
خرستیان اولکنز الله یعنی خرستوس سزکلهده برابر اولسون)
ایشته بو وبوکا مشابه دهانجه افسانه لری یازه رق قهوه
خانه لرده حتی فاتح طرفلرنده خواجه لره بر رساله توزیع
ایتمشلردی . بونلره قارشو مملکتک افاضلندن بر ذات مقابلهده
بولندی . بونجه علما و فضلا کسوه سنده کی کسه لرسکوت ایتدیلر
برکت ویرسونکه خاق جاهل اولمقله برابر صلابت دینیه صاحبی
اولدقلرندن عقیده لرینی بوزمیورلر . یوقسه بو جزویتلرک
تسویلاتی بیگلرجه جاهل و عاجز کسه لری دیندن جویره
بیلوردی .

ایمدی خرستیانلرک باطل دین و مذهب لرینک بطلانی
شوراده انبات ایده رک اهل اسلام آره سنده نشر دینه جرأتیاب

اولانلرینک جرأت و جسارتلرینی کسر ایتمکه و دینداشلریمده
بعدهما کندیلرینه واقع اوله جق تکلیف و دعوت اوزرینه آتیده کی
مدافعاتی بسط و بیان ایله اوشیطان علیه اللعنه لری یانلرندن طرد
ایده جک افکار و اقوال ایله تجهیزه شروع ایدرم .

انجیلده خرستوسک سوزی

انجیل متی ده : یوسف نام کسه مریمی باکره ظن
ایله نشانلادقن صکره قبل الجماع حامله بولدی . یوسف ده
مریمدن نفرت ابتد . مریمک طلاقنه عزم و جزم ایلدی .
اوکیجه رؤیاده کوردی و دینلدی که زوجه کی بوشامه اوللهدن کبه
قالمشدر . یوسف قاریسنی بوشامقدن واز کچدی . او صروده
منجمین اورشلیم ملکی هیره دوسه خبر ویردیلر که بوراده بر
چو جق دنیا به کله جک پادشاه اوله جق هیره دوسده قصقاندی .
دنیا به کلن چو جقلری قتل ابتدیرردی . نهایت الامر الله ینه
یوسفه رؤیاده دیدی که زوجه کی دیگر بریره قاجیر که اوراده
طوغورسون هیره دوسده طوغان چو جقلری اولدورمسون
ایشته هر فصل ایسه خرستوس دنیا به کلدی یهودیلره نصیحت
ابتدی و دیدیکی بن موسایی و آنک کتابی توراتی تصدیق ایدرم

یکیدن بر دین انخاذ ایتیم. بن سزک کناهلریکیزک عفوئی ایچون
 فدائی کلدیم. سزک قربانکیز مقامنده کندیمی قربان ایده جکم
 بعدما قربان کسمیه جکسکیز وجهه ایرتسی کونی ده کناه
 ایشلمیکیز بشقه ایشی کوره ییلورسکیز دیدی. بعض کره
 کندینی ابن الله و بعض کره ابن الانسان اوله رق عرض اید.
 بیوردی. ختانک لزومی یوقدر. آغزیدن کیرن آرددن چیقار.
 جنوار اتی هر بر حیوان لحومی حلالدر کی. خلاف حکم
 تورات دها نیجه نیجه سوز سویلد کدن صکره چول و بیایان طرفه
 کیتمش و اوراده قرق کون اوروج طومش ملائکه اکا اوراده خدمت
 ایدر مش و بعضاً کو کدن کو کر جین کی این خرستوس ابله قونوشور.
 لر مش اوز مانک عقلا و حکما سندن بری خرستوسه اکر سن الله و یا
 ابن الله ایسه ک امر ایت بو طاشلرک کافه سی ا کک اولسون یا خود
 کندینی بو یوکسک محلدن ایشاغی آت که اهالی سکا قانع اولسون
 یوقسه بهوده حکایات و واهیات ابله اشتغالدن کندینه ضرردن
 بشقه برشی حاصل اولمز دیمش خرستوس بو آدمک سوزندن
 مبهوت و عاجز قالدیغندن او آدمه کافر و یا شیطان دیه حکم
 ایتمش خرستیانلرک قولنجه خرستوس بر قبره کیتمش اوراده
 مدفون اولان اولوی دیرلتمش بر ساعت قدر بر حیات اولدقدن
 صکره تکرار اولمش یه کندی قبرینه دفن اولنش نهایت خرستوسک
 سیوک دعوا سندن کوچوک بر نتیجه حاصل اولوب آنجق اون

ایکی کشتی کندیسنه تابع اوله بیللمش بونلرده خرستوسدن صکره
ارتداد ایلش نهایت خرستوس خلاف تورات حرکت ایتدیکندن
علماء بنی اسرائیل کتاب الله اولان حکم تورات موجبجه خرستوس
سائر جانی ومرتکبلر کی صلیب تعبیر اولئان خاچه آصلمسنه
قرار ویرمش اوعصرده دار اغاجی حاج دیدیکمز شکلده ایدی
جانی هرکیم ایسه دیری دیری اللرندن ایاقلرندن دار اغاجنه
میخلانور ایدی خرستوس دار آغاجنه سوق اولندی زمان
خرستوسه تابع اولانلردن بری ضابطه مأمورلری اوزرینه
تشمیر سلاح ایتش ایسهده خرستوس بن فدائی اوله رق کلدن
بونلر بنی قتل ایتسونلر بن اوکا راضیم اکر بن رضا کوسترمز
ایسم بونلر بنی هیچ بر وقت قتل ایده مزلر شمدی پدریه
عرض ایدرسم اون ایکی آلائی ملائکه ارسال ایدر بنی قورتاریر
دیه رک اوکسه بی تعرضدن منع ایتش خرستوسه مربوط اولانلرظن
ایتملردی که خرستوس صلب ایدلسون وقتا که خرستوس یوزینه
توکوریلهرک انواع حقارت ابله اعدامه محکوم دیگر ایکی
شقی نک یاننده دار آغاجنه جیقاریلهرق واوشقیلردن ده اشد
برحاله میخلانه رق تام آلتی ساعت روح تسلیم ایدنجیه قدر فریاد
وفغان ایتدی ناله زن وکریان اولدی خرستوس خاچ اوستند
فریاد ایدرکن علماء بنی اسرائیل جماعته خطاباً الله لق و ابن الله لق
دعوا سنده بولئان کسه به دار اغاجنده فریاد وفغان یاقیشیرمی

دیمشله اوزمان خرستوسه معتقد کسه قالمش جنازه سنی بیله
 کندی اناسنک اقباسندن ایکی اوچ کشی ایله قالدیرمشله فقط
 عادت الله اولدینی اوزره آردصره ظهور ایدن زلزله وکسوف
 تصادفاً اوصره ده غایت دهشتلی اوله رق وقوع بولمیش قاچان
 قاچانه اولمیش حتی هیکل مقدس چاتلامش و قبور دن اجساد
 عظام طیشاری چیقمش ایکنجی کونی خرستوسی قبرنده
 بوله مامشله کویا خرستوس دیدکلری کبی اولمیش اوچ کونده
 دیرلمش کوکه کیتمش و برده اوزمان اعتقادات شو یولده ایدی که
 مرهانی بره مقتول ویا اولو زماننده زلزله ویا کسوف وقوع
 بولسه متوفا ویا مقتول هرکیم اولورسه اولسون پیغمبر لکنه ویا
 ولید لکنه حکم ایدیلوردی قصه بوندن عبارتدر :

درس - ۱۶

جواب

قرآنمзде سزك خرستوسكنزك نام ونشانی یوقدر اوت
 برعیسی پیغمبر وار فقط موسی و ابراهیم و پیغمبر سزك درجه.

سندن دوندر بو عیسی ده نه مصلوب نه ده مقتولدر . مصلوب
 اولان عیسی قیافته مشابه بر شخص جانیدر .
 اومصلوب وخاج اوستنده مقتول اولان خرسستوسدر . بزم
 قرآنمزجه وماقتلوه وماصلبوه ولكن شبه الخ حضرت عیسی
 نه قتل ونه ده صلب اولندی بلکه ا کا مشابه اولان بری قتل
 اولندی . سز خرسستوس دیرلدی بزم یاردم ایدیوردیورسکیز
 خرسستوس بعضکیره اولور بعضکیره دیریلور دیمک
 اولور که خرسستوس بعض زمان دیری اولور بعض زمان اولو
 فقط اولو اوله سی ده ا زیاده اولدینی اکلاشیایور چونکه یونان
 ژاپون اورشلیم انطاکیه سواستپول ودها پک چوق محاربانه
 اولو زمانه تصادف ایدلمش اولمی که خرسستیانلره یاردم ایده مدی
 بنی اسرائیلک خاج اوزرینه چیقاروب آصدینی کبی برکون
 بزده انک اولو زمانی بولورز انشاالله بو محاربه ده عسکریمزک
 فرار ایتدیکنی سویلیورلر اوت قاچان عسکره بز مسلمان
 دیمه یز . محاربه حاضرده اسلامدن پک چوقلری بالخاصه
 خواجه وشیحلردن اکثری دین مین اسلامدن ارتداد ایتدیلر
 یاپاره ویا احتراصات کونا کون سبيله بطریقخانه ارکان واعوانيله
 اشلاف ایلدیلر ایشته حربده قاچان ضابط عسکر وصاریقلیلر
 بوقیلدن اولوب آنلر بزجه مرتد و منافقدر اسلام دکلدر .
 خالص مسلمان اولانلر طرابلس غربده جنک وجدال و حرب

اخبرده رضا اسعد جاوید شكري رؤف صلى الله تعالى عليهم
حضراتی وسائرہ کي کفار فجار اوزربنه قتال ايدن فداکاران
امتک معيتاری واتحاد وترقي جمعيت مقدسه سنک همان بالجمله
ارکان واولادی خالص مسلمان اولدقلری ایچون نه قاجدیلر
نه ده دشمنه روی سلامت کوستردیلر فی سبیل الله جهاده مداوم
اولدیلر ذاتاً بو محاربه ده اتحاد وترقي به منسوب افراد یوز بیك
قدر ایدی متباقیسی اتلافه و بطریقخانه لره منسوب مرتدلر
ایدی بو یوز بیك کشیلک فئه قلیله شوراده بوراده پارچه پارچه
نام بر میلیون کفاره بتون غیر موافق شرائط تحتنده یعنی
حبیخانه سز ارزاق سز امداد سز اوله رق آلتی ویا سکرز آی مقاومت
کوستردیلر . مغلوبیتمز عسا کر خرسیانیه نک بزدن اون قات
فضله اولسندن وغیر موافق شرائط تحتنده قاله مز دندر یوقسه
خرستوسک یارد مندن دکلندرا کر خرسوس مقتدر اولسه ایدی
کمدیخی بنی اسرائیلک پنجه سیاستدن خلاص ایدردی زده ده
قالدی که بعد الهلاک خرسیانیلره یاردم ایتسون

انجیل شریفه کلنجه انجیلک بزم کتابمزده منزل اولدینی
مصدقدر فقط الکزده بولنان کتاب نه منزلدر نه ده عیسی نک
سوزیدر خرسیانلرک النده بولنان کتاب مصلوب خرسوسک
وفاتندن صکره آنک افعال واقواله دائر خصوصی بر تاریخدر
بوده انجیل متی نک ختامنده مصر حدر دیهیلور سکرز که قرأند

عیسی بن مریم یازیلیدر بزم خرستوس ده عیسی بن مریمدر
قرانده کی عیسی بزم عیسی روح اللهك كندیسیدر بزده دیرزکه
مریم اسمنده او زمان بر جوق قادین واردی قرآن عظیمده
مذکور اولان مریمك ابوخی ایله سزك خرستوسك والده سی مریمك
ابوخی اسماری آیری آیریدر او حالده قرآن کریمده مذکور عیسی
ایله انجیلده یازیلی خرستوس شخص واحد اولیوب بشقه بشقه
کسه لردر .

ذاتاً حق و حقیقت آرانورسه بزم ملت اسلام سائر عباد کی
عباد ارلدیغمز حالده بو عیار به ده مغلوبیت می پك شین پك عار
وپك زلت و حقارت و پك مسكنت و رزالت عد ایدرز . بوکا
نحمل ایده مین چوقدر عندالناس محبوب اولدق عیسی ذات
حق و یا ابن الله اولان عیسی خاج اوستنده باغره باغره جانی
چیقارده اوللهك علوشانه ذات و حقارت مسكنت و مغلوبیت
تعارض ایتمی؟ والحاصل خرستوس مصلوبه الله دیمك جناب
واجب الوجود حضر تکرینه اطاله اسان و تحقیر مغالری
چیقمز می بوندن دها اشد کفر و شرک دنیاده تصور اولنه.
بیلور می! سبحان ربنا رب العزت عما یصفون

برده خرستوسك انجیلده کی سوزلرنده ضدیت و منافات
و تناقض واردر مثلاً بن تورات موسایی تصدیق ایدرم احکام تورات

حقدر تورات کتاب الله درو شریعت لایتغیر و ناموس اکبر در دیدیکی
حالد ختانی قربانی منع و جمعه ایرتسی یوم تعطیلک لغویخی حنیزراتنک
مباح اولسنی سویلیور احکام مذکوره اعظم ارکان توراندندر
حتی جمعه ایرتسی کونی ایش ایشلمک کلمات عشره دندر .
توراتک شو عباره سنه دقت ایدیکز

(کل هملحه بیوم هشت مت یومت) هرکیم که جمعه ایرتسی
کونی ایش ایشلر ویا دینوی بر خدمتده بولنورسه اولوم ایله
اولسون یعنی اعدام ایدیکز دیکر بر یرده اسفار خمسۀ موساده
(لویهی بینج روشیم اروریم) خانه کزده بدخوی وختانسز
کمسه بولونماسون ودیکر بر یرنده ده ختاتک تا طوفان نوح
زمانسندن بری امرالهی اولدینی مذکوردر . وینه بر یرنده
طوموزه کیم ال ایله لمس ایتسه بر هفته محل مقدسه کیرمی جائز
اولدینی مذکور تا که حمامده غسل ایتش اولسون

ایشته بوقدر عیان صریح اولان احکامی قالدیردینی خالد
شریعت موسا لایتغیردر دیمی قدر تناقض اوله بیلورمی

خرستوسک زمان قتلنده بیوک زلزله نک ظهوری وعسین
زماننده خسوف وقوعی وخرستوسک بن او چنجی کونی قالقه جغم

دیدیکی که اتلافتدن اوچ کون صکره قبرنده بولنیشنی خرسیانلر معجزه و خارقہ عد ایله خرسٹوسک الوهینه دلیل عد ایدرلر زلزله و خسوفک قتل عیسی کوننه تصادفی خرسٹوسک بیوکلکنه دلیل اوله مز یازیق اوحمقا و سفها و مجانین پاپاسلره که زلزله و خسوفی خارقہ دن عد ایدرلر آنلر احوال طبعیه دن عادی شیلردر . خرسٹوسک صلیبی کوننه راست کلشیر حتی پاپاسلرک دیدیکی که اعدام اولنانلرک بیوکلکنه دلیل فرض وعد اولنسه . لریسله اوکون اوچ کشی صلب و اعدام اولنش اوچنجیسی خرسٹوس ایدی عجباً بوزلزله و خسوف او اوچدن هانکیسنک حرمتہ وقوع بولدی بیلنمز که مصلوبلردن هراوچی ده کندی دعواسنی حق بیلوردی

ایشته کچن سنه ده خرسیانلرک مسلمانلرک قتل عامنه قرار ویرر و اتفاق ایدرکن بیوک بر زلزله وقوع بولدی برلر آلت اوست اولدی انهار مجراسنی دکشدردی اولوکیکلری طیشاری فرلادی طبق خرسٹوسک صلب اولدینی کون اولان وقعه که مادامکه خرسٹوسک زمانه تصادف ایدن زلزله خرسٹوسک شرف و حرمتہ دلالت ایدیور عجباً شمیدیکی زلزله اسلاملرک شرف و حرمتہ دلالت ایتمزی؟

درس — ۱۴

انصاف ایدك ای نصارا

بو فاسد اعتقاد زمان سعادت حضرت نبوی دده وار
ایدی . نجل نجیب حضرت نبوی حضرت ابراهیمك یوم
ارتحالنده خسوف ویا کسوف وقوعه کلدی . اهالی بونی حضرت
ابراهیمك شرف وحرمته حمل ایتدی . اقدیمز اهالینك بو
اعتقاد باطلنی ازاله ضمننده جم غفیر مسلمینده بلند آواز
ایله :

الشمس والقمر لا یخسفان لموت احد ولا لحياته الخ .
بخاری شریف یعنی کسه نك حیات ویماندن طولایی آی
وكون طولنز بو اعتقاددن فارغ اولکمز بیوره رق نصیحتده
بولمشدر .

وینه احد محاربه سنده اسلام اردوسی مغلوب اولدینی زمان
اصحابدن بری یارسول الله مادام که سن حق پیغمبرسك نه ایچون
مغلوب اولدك دیمسی اوزرینه پیغمبر ذیشان جواباً :

انما انا بشر مثلکم الحرب بیننا و بینهم سجال ینال منا
و ینتال منهم افان مات . . . الخ .

بن سزک کبی بشرم اولور سه استبعاد ایتیکز حربده غلبه
تدارکات عسکریه یه منوطدر . غالبیت و مغلوبیت گاه بزه گاه
آنلره توجه ایدر .

ایشته عقل و فراست مدنیت و کیاست صاحبی و علوم عقلیه
و نقلیه ایله متحلی و وحی جلی و خفی ایله ناطق پیغمبر بویه
اولور . دنیا ناک و وحشی چول و بیابان عربلرینی پیغمبرذیشانمز
حسن معامله و معجزات ایله اولیه تسخیر و کندیلرینه تابع
قیلدیلر که بر زمانلر یعنی زمان جاهلیتده ضبط و ربط آلتنه کیرمش
او خلق آتشین قوز و کبی حلیم سلیم بیللرجه یشادیلر .

فقط خرسوس اناسندن طوغار طوغماز قوجه براسرائیل
شریعتنه قارشو بلا دلیل و حجت بن اللهم بن اللهک اوغلی یم .
بوننی یاپارم شوننی بیقارم . بن سزک ایچون فدائی کلدیم . سزک
پادشاهکزم کبی تهلکلی عین زمانده غیر معقول سوزلرله کندینی
تهلکیه القا ایتدی . و دنیا یه کلدیکنه بشپان اولدی . صلبنک
او چنجی کوننی قبرنده بولنماسنه کلنجه: دیرلدیکنه حکم اولنمز .
زیر او دهشتلی زلزله ائناسنده بر چوق قبرلر یاریله رق
جنازه لری دیشاری آتدینی کبی انک قبرینی ده آچمش جسدینی

فیرلا تمشدر . یاخود الوهیتنه ایناسونلر دیه جسد دیکر بر محله
نقل ایدلش اولسنه انجیل متی نك صوکنده یازلش اولدینی کبی
احتمالده واردر . بن جهالت برده سیله کوزلری قارارمش
اولان پاپاسلره و آنلرک توابنه جواب ویرمک تنزلنده بولنم
یازدیغمک اسبابی کندی ملتکم عقائدینی محافظه قیدیه در .
اوروپاده بیله وولترکبی بزجه سوزی معقول اولان عقلا و حکمایه
دیرم که کندی عقول سلیمه کزه مراجعتله پاپاسلرک تقلیدی
جهالتنی قالدیریکز جناب واجب الوجود جل و علی حضرتلری که
خالق السموات والارض و مافها اولدینی حالد جاشا وکلا جهنم
کبی اسفل سافلین کبی اولان مریمک قارننه کیره رک سائر جنین
کبی آیلرجه اوراده حبس اولندقدن صکره رحم مادردن چیقوب
بالاخره کندی فدا ایله دار آغاچنده جان ویرنجیه قدر باغره
باغره انواع آلام و اشکنجه لره کیرمش اولسون . خرستوس
دنیا ن کمسه دنیاده نه حکمت و هنر کو سترمشدر که آنکله الوهیتنه
حکم ایدلسون .

خرستوسک یر یوزنده براقدینی بر نمونه شر و فساد وار که
دنیا نک اک مترقی بولندینی شو دوردده بیله بلغارلر یونانلیلر
صربلر و سائره آنی الآن تعقیدن واز کچمیسورلر . آنلرک
ما کدونیا ده وروم ایلینک سائر بلادنده خرستوس نامنه ارتکاب

ابتدکری شناع و فضا یح الی یوم القیام السنه جهانده دائروساثر
اولسه کرک .

دول معظمه نك مذهب رسمیسى خرسیتیانلق اولدینی
جهتله بز مقام رسمیتده دول معظمه نك خاطری ایچون
خرستوس حضرتلری دییه رك اثر تعظیم کوسـتریز . یوقسه
خرستوسك خاطری ایچون دول معظمه یه حرمت ایتمیز . ای
خرستیانلر اکر سز مسلمانلری خرسیتیان دینه جبراً ادخال
داعیه سنده ایسه کز فکر وسهیکنز بهوده در . قوم عتیق اولان
وجهاد وسمی واهتمامی برطرف ایدنلردن بلکه بر طاقملرینی
اغفال ایده بیلورسکیز آنلر ذاتاً بزجه مرتد وداثره اسلامدن
خارجدر . فقط قوم جدید اولان قسمی که جدی وخالص
مسلماندرلر . واقصاء امللری جهاد ولوازم جهاد حاضرلغندن
بشقه برشی دکلدر . آنلردن بر دانه سنی بیله دکل اغفال واطماع
ایله حتی قلیج طوب و تفنك ایله تهدید ایلسه کز ینه بر فائده سی
اولمز . چونکه آنلرک عهد و پیمانی کندیلرینه تعرض مادی و معنوی ده
بولنه حق خرسیتیانلری اتلاف و امحادن غیری بر شی اوزرینه
دکلدر . والسلام .

خاتمه

درس - ۱۵

ای جماعت مسلمین بایرام یا قلاش دینی جهته رمضان شریفده کی وعضلریمک بوکون نهایتیدر ، رسول الله افندیمر حضرت تلرینک اعظم عبادات اولان امرجهاده نه درجده اهمیت بیوردقلربنه دلیل اولهرق بایرام نمازندن اول مسجده شریفده آل واصحاب کرامنی طویلایهرق زمانمکز عسکری مانورهلری کبی مانورهلر اجرا بیوردقلربنی سزه بیان ایتمک ایسترم یالکمز بخاری شریفده مسطور اولان شو حدیث شریف دن نه اکلاشیبیور .

فی یوم العید کان السودان یلعب بالدرق والحراب فی المسجد ینقلون فامسک احدا لفریقین بایدیهم فقال رسول الله مالکم لاترمون قالوا کیف نرمی وانت معهم فقال ارموا فانی مع کلکم سابق النبی ماضر من الحیل من الخفاء الی ثنیة الوداع وکان بین ذلك ستة امیال اوسبعة وسابق بین الحیل الی لم تضر من الثنیة الی مسجدي زریق وکان بین ذلك میل .

بایرام کوئی مسجد شریفده افندیك امر وفرمانی اوزرینه
 علی الدوام تعلیم سلاح ومانورا یابارلردی افندیك حضرت تلی ده
 بالطبع مانورهك بر فرقه سنده بولنیوردی قارشوده کی فرقه یه
 آتکز امرینی ویردیلسده اوفرقه ده کیلر تأدباً سلاح استعما-
 لندن اجتناب ایتدی لر رسول اکرم حضرت تلی تکرار آتکز
 نه دن آتیمورسکز بیوردقه فصل سلاح آتلم سز اوفرقه ده
 بولنیورسکز دیدیلر آتکز بن هیکزله برابر بیورمشدر

سوار ی تعلیمی ایچون ده آت مسابقه سی یاپدی رلردی
 ادمانی آتلی حقیادن ثنیة الوداع دنیلن یره قدر الی یاخود
 یدی میلک مسافه قوشدی رلردی ادمانسز حیوانلرده ثنیة
 الوداعدن مسجد بنی زریقه قدر بر میل کیدرلردی .

ایشته زمان سعادتده اهل اسلام دشمن دین ووطن اولانلره
 بالفعل مقابله وآنلره مقابله ایچون بویه طور میوب تدارکات
 حریبه ده بولنورلر وعبادت زمانلرنده بیله اختلاس ایتدکلی
 اوقاتی حرب ولوازم حرب خصوصنده مقتضاسنه کوره صرفدن
 برآن فارغ اولمز لردی. رسول مجتبا افندیك سر قافله انیا وحیب
 کبریا اولدیغه کوره ایشنی وامت اسلامک امور وخصوصاتی
 هپ مادیات اوزرینه حساب ایدرلر اکا کوره اسبابنه و سله
 فوت فرصت بیورمز لردی شمدیکی قوم عتیك اعتقادی وجهله
 نماز و نیازله مظفریت اکتسابی اولولردن اولیا و اتقیا ارواحدن

استعانه خلیاسی نه قدر بهوده ویدسود حتی وقتیه امت اسلامی
حربه جهاده معناً ماده حاضرلق خصوصنده علمانك فتور
وقصوری سیئه سیله نه درجه مضراولدینی کندیلکنندن تبادر
ایدر . زمان سعادته ارککلرک بالفعل صرف ایتدکری مساعی
جزبله به ضمیمه قادینلرک بیله امور مهمه ده معاونت لرینه مراجعت
اولندینی شونکله ثابتدر .

کناتعز ومع رسول الله نسق القوم ونخدمهم وزد القتلی والجر حی
الی المدینه ویداوی منا المرء الرجل والرجل المرء وذلك بعد نزول
الحجاب

تست و حجابك امر بیورلمسندن صکره ده اصحاب کزینک
قادینلری حربه کیدرلردی . بخاری شریف

حرب اثناسنده عسکره صوویررلر و خدمات اثره ده بولنورلر
یاره لیلره معالجه ترتیب ایدرلر و مجروحینی مدینه به نقل ایلرلرایدی
بلا تفریق محرم و نا محرم سربستهجه ارککلرکی خدمات عسکریه ده
بولنورلردی . فاعتبرو یا اولی الالباب

« بین تفاوت ره از کجاست تابکجا »

ای جماعت مسلمین یالکز زمان سعادته کی ذکور واثانک
حالیله شمیدیکی حالی مقایسه ایدر سهك آره ده کی فرقی اوزمان
اکلایه بیلورز .

زمان سعادته مساجد برر تعلیمگاه عسکری برر مانوره

میدانی ایدی مقدس عسکرلرک قشله واقامتگاهلری کبی ایدی
شمدی ایسه استر، اشتر و خر بی هنردن دها ادنا حیوان لایعقل
سوروسنه برماندرا و آخور اولدیلر بونلرک برقسیمی حرب
ولوازمات حربده قصورله برابر پاره ایچون ختم قرآن و جنازه
آرقه سنده کزن مرانیان فقط پاره پرست لابس خیصه وعاشق
جیصه یعنی جبهلی احرام و طلیسانلی یدنده دام تزویر کبی برر
تسبیح و مسواک و زمزم و خرما ایله خلقلک پاره سنی چکمک هو-
سنده کی حافظلر اکل وریا ایچون قرآن او قویانلر هپ دیندن
خارج دائرة اسلامدن مطروددرلر .

بآدمی نتوان کفت ماند حیوان
بجز دراعه و دستار و نقش بیرونش
بکرد درهمه اسباب هستی او
که هیچ حلالش نیان و جز خراش

او قبل کسه لک بر ااقی شرک خفی ایله مشر اولدقلری
شوآیت جنیله ایله ثابتدر .

ولا یشرک بعبادة ربه احدا

بونلردن بر چوغی اولجهده بیان ایتدی کمز کبی حرب

ولوازمات حربده خلف ایتدکلرندن ماعدا بی کسب و صنعت
کشکول مسلمات دردست و زنا ترسا کان کمر بند و بست ژنده پوش
و خلقه حیدری درکوش و تکایا و خاقا هده حور و غلمان
عشقنه باده نوش امرار اوقات و حیات ایدرلر بو حریفلرک مالاً
بدناً ذی قدرت اولوبده حربدن اجتناب ایدنلری سورة
توبه ده مخالفون ، خوالف ، قاعدین ، متعذرون صفیتله توصیف
اولنانلردندرکه کافروزمرة منافقندرلر . اهل جهنم و واجب
التقل جنازه و قبرلرینه کیتمک غیر جائزدر آنلرله قطع . لام
و کلام فرض اولدیغنی شوایت کریمه امر بیوریور .

ولا تصل علی احدنهم مات ابدا الخ

ولا تقم علی قبره ... الخ

انهم کفروا بالله الخ

وماویهم جهنم الخ

بونلر حکم قرانجه اهل جهنمدر بوکا ایمانم وار فقط فکر
قاصرانهجه بوقیل خینلر جهنمده کیتمه لر دها خیرلی اولور
زیرا جهنمده کبر و غرورلرندن عظمت و خوتنرندن ناشی اورایه
لایق اولمش فرعون هامان وقارون وسائر کبی نجه خاندان
کمه لر واردرکه بوذلیل ذنی الطبع سفیل آدملرک آنلری بیه

تعجیز ایتمی محتملدر . فقط همان جناب حق بی‌لور اما بوا سافلک
مأوا سی اسفل سافلیندر .

بر خطوه دها ایلری آرش

مکده کی مسجد حرامده حتی طوافده رسول الله افندیز
کفار قارشو تعلیم عسکری ایله بر قوت وشجاعت کوستر لر دی
حتی طائف محاربه سنده مسجد حرمک تعمیرینه مال و جانلرینی
صرف ایله حربیه کیده مینلره قارشو خطاب و عتاب الهی صادر
اوله رق اجماعم سقایة الحاج و عمارة المسجد الحرام . . الخ آیت
جليله سی نازل اولدی حرب ولوازمات حربیه اشتغال ایتیموده
حجاجک سقای و مسجد حرامک پاره صرفیه درو دیوارلرینک
تعمیر یله می اشتغال ایدرسکز بیورلمشدی .

بوندن اکلاشیلور که حرب ظهور ایدوبده مملکت وانک
محتویاتندن اولان مقامات مبارکه و مقدسات دینیه تهلیکه کی کیردیکی
زمان آنلرک هیچ بریله اشتغال اولنه من آنلرک قدسیتی قدسیت
مکان بالیکیندر حکومت اسلامک زوالیله آنلرک قدسیتی ده زائل
اولور . بناء علیه او مقاملری او مقدساتی حفظ و حراست ایدو جک
اولان حکومت امر جهاد ظهورنده ظهیر اولغنی اقدم وظائف
دینیه بیلملی بتون امت محمد حکومتیه مالاً بدنأ - حتی قادینلره

وارنجیه قدر معاونته شتابان اولی خزینہ بیت المالی طولدرملی
 اردولرده خدمت ایدہ بیلہ جک اولانلر بلااستثنا سلاح بدست
 اولہ رق مقابلہ اعدایہ قوشملی آنجق بوسایہ دہ روم ایلیدہ کی
 جامعلریمزہ چاک آصدقلری کبی کعبہ مزہ چاک آصمہ لرینہ مانع
 اولورز . تربہ لریمزی بیقدقلری کبی تربہ سعادتی ہدمہ اولان
 نیت کافرانہ لرینی عقیم براقیلورز . اوزمان حقیقی مسلمان
 اولدیغمزى من عندالله ومن عندرسولالله اثبات ایدرز یوقسہ
 کفار برطرفدن هجوم ایلہ ملکمزى مالزی جانمزی عرضمزی
 ہتک وخراب وضبط ایدرکن الدہ تسبیح جامعلرہ طولوب
 کمال ذلت و مسکنتلہ جناب حقندن ظفر و غلبہ نیازندہ بولنو۔
 رسق اللہ عظیم الشان بزہ لعنت ایدرہ ہانکی یوزلہ ہانکی عمل
 ایلہ اللہدن نصرت وظفر استیورز . پیغمبران عظام بیلہ جان
 وباشلہ چالشمہ قجہ نائل ظفر اولمدیلر زہی اعتقاد زہی دین
 وایمان ! !

کړک مدینہ وکړک حرمین شریفین زمان سعادتن بوآنہ
 قدر خلفای اسلامک دائرہ نفوذی آلتندہ ایدی ہلہ خلفای
 ترکک زمان سلطنتلرندہ جیوش اسلامک اردوکاهی منزہ سندنہ
 بولنیوردی وقتا کہ یمن وعسیر ولی نعمت ومطاع امت اولان
 خلیفہ بہ قارشو عصیان وکفار بحرأ استیدی آندہ اومقاماتی
 تحت تہدیدہ الہیہ جکنی افہام واتیان ایلدی اوراہہ کیدن

حجاج فرانسز انکلیز روس پساپورطلرینک حمایه سیله وطوعاً نصارا قومانداسنده بولمقله فاخر اولدقلرندن نصارا انلردن راضی آنلرده نصارادن راضی بولنورلر چونکه بیندکلری واپورلر خرستان دولترینک ویا تبعه لرینک مالی اولدقلرندن خرج راه اوله رق هر نه ویریلورسه آنلرک کیسه لرینه کیر واسلامدن قازاندقلری پاره ایله لوازمات حرب اولان طوب تفنک زرهلی انشا و اعمالیه اسلامه و مملکتلرینه حتی حرمین شریفینه قدر هریری ضبط واستیلا املنه دوشر اولدقلرندن ان طهرا بیتی حکم شریفنجه مادامکه حرمین الشریفین ترک خلافت اسلامیه سنک نفوذ وقوت قاطعه وحافظه سی التنده تمامیه مصون دکدر اوحالده مقامات مشارالیه انک شرف و حرمتی ده خلافتک تناقص نفوذ وقدرتی نسبتنده تناقص ابتدی .

بوندن چیقہ جق نتیجه شودرکه بوکوندن اعتباراً شرعاً خلافت اسلامیه نک تحت اداره ونفوذنده اولمسی لازم کلن او مقامات مقدسه برآ وبالخاصه نصارا ودشمن دونمالرینک مهابتی تحتنده بحرأ تهلمکیه معروضدر اوتهمکینی دفع ورفع ایدمک چک ده دہشتلی دونمالر اردولر احضار واعداد ایتدکجه حجک اداسی فرض دکدر. کیدنلراجعاتم بقایه ... الخ آیت جلیله سیله خطاب بیوریلان عتابه کرفتار اولانلردندر زیرا حرمینک

شرافتی شرافت ذاتیه دکلدر اولجه دیدیکمز کبی شرافت مکان
بالکیندر اومکین خلافت اسلامیة در .

رسول الله افندیمز مکدن هجرت بیوردیلر صکره تحشیدات
عسکر به ایله فتح ایتدیلر طور حاکانه ایله کیره رک مناسک
حجی ایفا ایلدیلر بزده اومقاماته پاره لر مزی نصاریه معاونت
نقدیه کبی ویرمیه رک دکزلرده بولنان یونان ایتالیا و سائر بزه
دشمن اوله بیله جک حکومت خرسیتیانه دونمالرینه مقابله به
قادر قوتلی زرهیلر تدارک ایتدکدن و طور حاکانه ایله بلا پروا
اورالر کیتدکدن صکره من استطاع الیه سبیلا سربینه مظهریتیه
ادای فریضه به شتابان اولورز حج اوزمان فرض اولور الدین
یعلو ولا یعلی علیه معنای ده دینمز عالی وادیان سائر آگاهیه
ایده مز دیکدر اجنبی پساپورطیله و آنلرک حمایه سیله ایدیلن
حج حج دکلدر .

نتیجه کلام بالجملة اهل ایمان واريله یوغیه جانيله جسميله
بتون موجودیتیه خلافت عثمانیه و سلطنت اسلامیة نک علوشان
وشوکتتک تزید و تعالیسی خصوصنه صرف مقدرت ایده جک
حرب ولوازم حرب ایچون طویلردونمالر طیاره لر طور بیورلر
تدارکله او مقامات مقدسه بی هر درلو تهلکه و تعرضدن مصون
بولندیردقن صکره حج فرض اوله جقدر .

حضر

شوراده بر دیرك كوریورم که بر طاقم کسه لر دیر کده موجود
 بر دلیکی زیارت ایدیور لر. سؤال ایتدم اعتقاد لر نجبه کویا حضرت
 فاتح استانبولك حین فتحنده بو بنای عظیمی ده جامعه تحویل
 ایتدیکی ائنده حضر کلمش جامی بو دیر کدن طوته رق قبله به
 چویرمش شاشارم عقلکزه و اعتقاد باطلکزه که قومکزدن اولان
 ترك اوغلی ترك جایل الشان بر حکمداریکیز بو بلده و جامی
 فتح ایتزدن اول حضر زره ده ایش که کلوب بنایی قبله به
 چویرمه مشده حضرت فاتح ضبط ایتد کدن صکره بو جامعه
 کیره بیلمش حضرت فاتح صل الله تعالی علیه و علی اله و اصحابه
 وسلم کی قوی الشوکت بر حکمداری تقدیس ایتز سکزده موهوم
 و مخیل حضر لر اسناد حرمت ایلر سکز بونک کی ادر نه ده اسکی
 جامعه هر صباح نمازی ائناسنده حضرک بولندیغنه خلقجه
 بر اعتقاد واردر . اردی اسلام مغلوب اولوبده بلغار لر
 ایجری کیرد کیری زمان او خضر زره قاجش بیکلرجه اولیا
 و خضر لر و ملکلر عسکر دن اول قاجدیلمی؟ کفاره قارشو نه
 ایچون طور مدیلر احد محاربه سنده فن حربجه مهم اولان بر
 نقطه نك ترکی متعاقب ملیونلرجه . لائک نك قوه معنویه سی

لاحق ایکن اسلام اردوسی مغلوب و رسول کبریا صل الله تعالی
 علیه وسلم افریدی مجروح اولدی؟ وایکی محارب بیننده غالبیت
 و مغلوبیتک مادی قوته منوط و جناب حق بیطرف اولدینی
 آیات و احادیث نبویه ایله مثبت دکلیدر واعدوا لهم ما استطعتم ..
 الخ. و لولا دفع الله الناس بعضهم ببعض لفسدت الارض. . الخ
 بیورلمدی؟

بو نه قدر جهالت نه مرتبه غفلتدر که جامع مرکز خلفای
 عربک اسملرینی اصارسکرده برچوق احادیث نبویه ایله تقدیس
 بیورلمش اولان خلفای ترکدن هیچ برینک اسمنی حرمتله
 یاد ایتمزسکز . خطبه ده خلفای ترکک اسمی ذکر اولنورکن
 مقام تذلیل و تنزیله برآیاق آشاغی اینرسکز جمعه نمازنده
 آخر ظهر دیهرک برده نماز ضم ایدرسکز بونلر هپ سیاست
 سزک تنزیل شان و اعتباریکز ایچون محدث و مبدع شیلردر .
 دهاسی وار قومکز بر قوم مقدس و مبجل اولدینی حالد اقوم
 سائر دن عبدالقادر کیلانیلر شیخ بدویلر و شیخ فلان و فلانلرک
 تقدیسی و اهل جنت منکر و نکیر و ملائکه و تا جناب حقه قدر
 هپ عربجه تکلم ایتهلری اولشام آخر شام کی سوزلره
 بتون ترکلرک قاندرلمسی قوم عرب ایچندن بر مهدی ظهور
 ایدر جکنه اعتقادله اکا انتظار اولنمسی ودها نیجه نیجه
 خرافاته ایمان ایله یدی یوز سنه دن بری بتون جهان اسلامیتی

كفار فجارك دست تعرض واستيلا سندن قورتارمق اوزره
 سل سيف جهاد ايله برآن خال قالميان عثمانی قوم نجيبك
 تحقير وتنزيل قدر ومنزلتی مقصديله بالالزام ترتيب ايدلمش شيلر
 دكلده نهدر؟ كندی نسبه وقومنی تحقير دينی تحقير دكلی من
 بدل نسبه او قومه فقد بدل دينه ومن حقر قومه فقد حقر
 دينه كلام مشهوری سمعكزه واصل اولمديمی سزكندی قومكزه
 حرمت ورعایتی بيلمزسه كز قرآن وحديث تقدير ايدیور
 اوروپا وبتون جهان بشریت ترك حكومت مستقلسنی شجيع
 فداكار بر قومك حكومتی اوله رق طانیور والعاديات ضبحاً
 آيت جليله سيله تقدیس ايدیلن ترك اردوسنك باركیرلری
 سزك تقدیس ابتدیکكز اقوام سائره اشراف ورؤساسنك
 شرافت وحرمتدن اضعاف مضاعفه ايله فضله در . خلفا امرا
 ضابط وافراد عسكریه ايله آنلره مالاً بدنأ اشتراك ايدنلك
 جهادلری قدر علوی قدسی عظیم الاجر بر عبادت یوقدر
 واوله ماز

بدینزده قرآن واحادیث نبویه کبی ایکی بیوک حجت ودلیل
 واركن بتون دنیانك قوم عتیق علما سنه میدان او قورز ماده
 معناً علماً حکمة فلسفه آنلرك كافه سندن اعلم اعظم اقدس
 واشرف والاصل حكم قرانجه وقت حاضرده فرقه ناجیه محاربه
 اولان فرقه اتحاد وغازی علی الكفار بالنسبه غالب اولمغله

ملائکدن حضرلردن اولیادن ارجح واقده سدر زیر آنلرک سایه سنده اولمش اولان ملت وخلافت اسلامیه یکیدن حیات بولدی اختلاف اتحاد نفاق صدقه وباطل حقه مغلوبیت غالبیت وکفار ایله ائتلاف تباین وخصومته تحول ایلدی واما بنعمت ربک فحدث موجبنجه عصر مزده حضرلر غوثلر قطبلر ملکلر هپ کره ارض اوزرنده جوهر فرد مثابه سنده کی تورک حکومت حاضر سندن بشقه سی دکدر صلی الله تعالی علیه وسلم .

ا کر قوم عتیق علما ومنتسبینی بحق مسلمان اولسه ایدیلر بویه مهم بر صرده حکم قرآن موجبنجه انما المؤمنون اخوة آیت جلیله سیله لایؤمن احدکم حتی یحب لایه ما یحب لنفسه حدیث شریف حکمنجه دین قردشلرینه محبت ایدرلر ایدی آیت جلیله نك معناسی مسلمانلر بر برینك قرداشیدر . حدیث شریفك معناسی ده بر کیمسه کندی دین قرداشنی کندی نفسی قدر سومزسه او کسه نك ایمانی قبول اولماز اقوال شریفه . سنه رعایت ایدرلر دی .

کور بیورم که رمضان شریفده هر خواجه نك شیخك حتی پك چوق کسه لرك اللرنده طقسان طقوز حبه لی برر تسبیح وار آنلر جناب حقك اسماء الحسنی دنیلن طقسان طقوز اسم وصفات شریفه سی عددنجه مرتبدر رسول اکرم افندیمنز تخلقوا باخلاق الله والتصفوا بصفات الله بیوره رق سز جناب حقك صفات

واخلاقیه متصف اولکنز که اوزمان مؤمن و مسلمان اوله سکنز
 دیرلردی طقسان طقوز اسماء و صفات اللمهدن بعضیلری ده حکیم
 صانع غیور صبور شکور، غنی، عزیز ذوالنقام در حکیم، حکمت
 نظریه و علمییه و علم حکمت و طب و طبیعتیه واقف و علیم
 معناسنه در هانی سزدن بر حکیم واری ؟ . یوق . صانع، بالجمله
 اشیا و موجوداتک صانع و عاملی معناسنه در فابریقه لر کونا کون
 مصنوعات وجوده کتیرر صنایعکنز واری ؟ . یوق . غیور
 غیرتلی معناسنه در . روم ایلیده دین قرداشلر مزدن ذ کور وانات
 صغار و کبار و شهاب و ابکارک جانی مالی عرضی کفار و فجار طرفندن
 پایمال ایدلدی سزدن دین قرداشلر یخی بو فلا کتدن خلاص ایتمک ایچون
 متحدا و خلوص نیتله جان و مالی مدافعه ملییه حصر ایدن بر
 غیور یکنز واری ؟ . یوق . صبور، کفار قارشو سنده دین و وطن
 محافظه سی او غورنده قورشون و کله لره شدت حرارت و برودته
 جوع و برودته رضاء الله تحمل ایدن صبور لر یکنز واری ؟ . یوق .
 شکور دنیاده ملیونلره بالغ اولان مسلمانلرک همان چوغی
 خرسیتیان حکمدار لرینه تابع خرسیتیان مأمور لرینه مطیع و منقاد
 اولدیغنی بیلور سکنز سرجهانده جوهر فردم ثابته سنده بولنان خلیفه
 اسلام اولان تورک حکومتک سایه عاطفتنده مستظل امن و امان

ایکن حرب ظہر ررنده مالاً بدنأ حکومتمزہ یاردم ایدہ رک
 نائل اولدیغکز نعمت کبرایہ شکور اولدیگزمی؟.. یوق .
 عزیز ذوالنتقام، روم ایلیدہ اولان مظالم اوزرینہ روم بلغار کبی
 دشمن دین و ملت اولان صلییلرہ قارشو هیچ اولمزسہ آنلرلہ
 آلیش ویریش ایتمامک صورتیلہ انتقام آرزوسندہ بولندیگزمی؟.
 یوق. اویلہ ایسہ اللریکزدہ کی تسبیح طوق کردن خروسک درہ.
 قوم عتیق مدرسلری شیخلری مؤذنلری و آنلرہ تابع اولان
 جم غفیر نمازدن صکرہ کی دعالرنده الوداع یاشہر رمضان الوداع
 یاشہر غفران دیہ فریاد ایتدکجه ہرکس کوزندن دموع تأثر
 دوکیور بونلردن هیچ بری الوداع یا مبارک کثیر الواردات و برکت
 اولاد و طنک خون پاکیلہ سرخ رنک نجوم سما کی قیمت و بہادہ مشعشع
 جنتلر کی مقدس وطن الوداع یاشہر سلانیک الوداع یا مناسترو اسکوب
 الوداع یانیہ و اشقودرہ الوداع یا کریددہ آغاچ دین برہ مسلم عاقل
 یوقیدر؟ الوداع عرض و ناموس الوداع دین یوقی؟ اولسہ ایدی
 بن دہ آنلرہ حکم قرآن و حدیث موجینجہ مسلمان دیر ایدم .
 چونکہ حکم قرآن موجینجہ بر کسہ بتون رمضان بلا عذر
 یمش اولسہ قضاء مافات ایچون بریا خود ایکی چوال اون کافیدر .
 فقط و طنک باشنہ کلن شو فلا کتک تلافی مافاتی ملیونلرجه

طوره التوزيله ممكن دكلدر . ايسته قوم عتيق عندنده بتون وطن
وملت دشمن آياغي آلتنده پامال اولسه بر رمضان قدر حيثي
يوقدر . لعنت الله على القوم العتيق ورحمت الله على القوم الجديد
اللهم دمر القوم العتيق بقهرك وغضبك وانصر القوم الجديد
بفضلك وجودك يا كريم بجرمة سيد المرسلين برحمتك يا ارحم
الراحمين والسلام .



